



t 021





禪林類聚一之目錄

第一 帝王 宰臣 儒士

第二 佛祖 法身 佛像

第三 伽藍 殿堂 塔廟 丈室 門戶 橋路 并附

第四 祖教 問法

第五 說法 禪定 悟道 大道

西明寺什物



西明寺什物

後山本堂

禪林類聚卷第一

帝王

宰臣

儒士

帝王

此本則自巳目
前致校圖下
心也此理言又
第之理正位
言取之文偏
位有相見

像同本尊相見
理之

阿育王內宮飯三萬大阿羅漢王躬自行香見第一座無
人王問此座何故無一人尊者云此是賓頭盧尊者位此
人曾見佛來王云此人今在何處者云且待須臾言訖賓
頭盧從空而下王請就座禮敬盧不顧王乃問承聞尊者
親見佛來是不盧以手撥開眉毛示之云還會麼王云不
會盧云阿耨達池龍王請佛齊老僧亦預其數
五祖戒出王語云慚愧翠巖真云且道甚麼處見直
饒雪天漂渺湖光滄蕩且莫說夢保寧勇代云希有
希有佛性泰云阿育王雖飯三萬大阿羅漢要且不

眉毛長ハハ
相ハ世ニ相シ現ス
要ハ相人ヲ云
宿願盧盧而
眼ハ世ニ相シ現ス
ミナリ

識賓頭盧尊者阿育王既已不識諸人還識也無若也
不識山僧爲諸人指出乃拈拄杖下禪床立云作麼
佛印元頌云拈起眉毛示育王當時凡聖絕商量後來
對衆難收拾眼上依前兩簇長保寧勇云我佛親見
賓頭盧眉長髮短雙目龜阿育王猶疑狐啞噤呢噠嘿
噤嘿噤噠佛慧泉云一翳在眼空花亂墜狹路相逢
難爲回避大王還識老僧無似雪眉毛長罕地
東印土國王請般若多羅尊者齊次王乃問諸人盡轉經
唯師爲甚不轉者云貧道出息不涉衆緣入息不若陰界
常轉如是經百千萬億卷

汾陽昭云却勞尊者心力

天童覺頌云雲犀玩月璨含輝木馬遊春駿不羈眉底

一陽未起也

自心也

賓頭盧
錄在兩疏
宿願王乳
云云云云
賓頭盧
錄在兩疏
宿願王乳
云云云云

一雙寒碧眼看經那得透牛皮明白心超曠劫英雄力
破重圍妙圓樞口轉靈機寒山忘却來時路拾得相將
攜手歸西禪需云入息未嘗若陰界出息何曾涉萬
緣一聲漁笛離南浦依舊蘆花深處眠
賓頭國王秉劍問師子尊者云師得蘊空不者云已得蘊
空王云既得蘊空離生死不者云已離生死王云既離生
死就師乞頭得不者云身非我有豈況於頭王便斬之白
乳涌高數尺王臂自墮七日命終太子光首嘆云我父何
故自取其禍

玄沙云大小師子尊者頭也不解作得主玄覺徵云
且道斬著斬不着又云玄沙恁麼道要人作主不要人
作主若也要人作主蘊即不空若不要人作主玄沙恁

麼道意在甚麼處試斷看

汾陽昭別云知師不悞

芭蕉云賣寶遇著瞎波斯

琅琊覺云劉賓好一口劍

爭柰劍上無眼尊者好箇獅子要且不解返躑

芝云當時祖引頸王舉劍與麼時有人諫得住至今無

人斷得此公案如今衲僧作麼生斷

雪竇顯云作家

君王天然有在

海印信頌云混沌中央一竅開分清分濁列三才我因

一劍輪機夜瞻表魂驚竟不回

佛眼遠云楊子江頭

楊柳春楊花愁殺渡頭人一聲羌笛離亭晚君向瀟湘

我向秦鼓山珪云舡子下揚州浮萍逐水流一聲河

滿子千古動悲愁

徑山果云殺人須是殺人漢當下

一刀成兩段頭臂雖虧劍刃鋒何似秦時轆轤鑽

朕

國令一國

紫綬

梁武帝因初祖達磨大師自西天泛海來至金陵見帝帝

問如何是聖諦第一義師云廓然無聖帝云對朕者誰師

云不識帝不契師遂折蘆渡江至魏後帝舉問誌公誌公

云陛下還識此人不帝云不識誌云此是觀音大士傳佛

心印帝云當遣使者詔之誌云莫道陛下詔闔國人去他

亦不回

汾陽昭代云弟子智淺

保寧勇代帝吐舌示之

泉大道頌云九聖縈纏情未忘廓然無聖便驚狂梁王

殿下無謀略剛被胡人亂一場

雪竇顯云聖諦廓然

何當辨的對朕者誰還云不識因茲暗渡江豈免生深

棘闔國人追不再來千古萬古空相憶休相憶清風匝

香分二月
日自卯出
前月三
五月中
辰生入
方紅錦
詩叩

阿圖鐘樓
凡几至
在武帝

雄智過人
眉連胡
到
神外震且

洗脚 休寧男云煉得通紅打一錠周遭無數火星飛
十成好箇金剛鑽攤向門前賣與誰 上方益云第一
義廓兮寥兮超象帝不把多年曆日看爭辯春分并夏
至遼東白鶴去無蹤三山半落青天外 佛鑑懃云始
鳴阿閣一聲鐘日暖蒼龍睡正濃再擊鳳凰臺上鼓半
夜祥鸞未飛舞帝基永固如盤石胡僧虛費平生力回
指少林歸去來春風一陣花狼籍 太平古云聖諦第
一義門廓然無聖誰尊堪笑江南三月裏鸛鵒啼在白
花村 長鯨阜云不解作客勞煩主人面無慙色少喜
多嗔 雪堂行云西大署子氣雄豪欺負神州罪莫逃
梁帝當頭輕一拶果然提起活人刀 佛燈珣云展陣
開旗便要贏誰知御駕不親征把定鏘旗叔陣脚直至

性竹

紀十二季
紀歲日月星
曆數

雄峯不出兵

梁武帝問達磨大師云朕自即位已來起寺寫經度僧不
可勝紀未審有何功德師云實無功德帝云師何言無師
云此乃人天小果有漏之因如影隨形雖有非實帝云如
何是真實功德師云淨智妙圓體自空寂如是功德不以
世求

金剛經

机

梁武帝請傳大士講經大士陞座以界尺揮案一下便下
座帝愕然詰公問帝云陛下會不帝云不會詰云大士講
經竟

白雲端云傳大士與誌公被梁武帝一狀領過
正覺逸頌云遠別雙林事有因金陵明主慕仁人良哉
高座登臨次一擊大千經出塵 雪竇顯云不向雙林

寄此身却於梁土惹埃塵當時不得誌公老也是悽悽
去國人白雲端云六十何曾會講經誌公方便且相
成一揮案上俱無取直得梁王努眼睛慈受深云大
士講經時揮案成註脚一九消衆病不假驢駝藥佛
鑑懃云案上一聲鳴噪噪已是重重添註脚梁王何事
不回頭誌公將錯還就錯

唐肅宗帝問忠國師和尚百年後所須何物師云檀越與
貧道造箇無縫塔帝云請師塔樣師良久云會麼帝云不
會師云貧道有付法弟子耽源却請此事請詔問之師遷
化後帝詔耽源問此意如何源對云湘之南潭之北中有
黃金瓦一國無影樹下合同舩琉璃殿上無知識
雪竇顯拈云肅宗不會且致耽源還會麼祇消箇請師

猶水流入
る如物
ミナリ

轍車軸

塔樣盡此天此土諸位祖師遭這一拶不免將南作北
有傍不肯底出來我要問你那箇是無縫塔神鼎誣
云前來國師若此作用不能明了次問耽源又恁麼頌
且道盡善未盡善雖然方便須体解始得會麼神鼎爲
你諸人下四轉語湘之南潭之北君臣有路中有黃金
瓦一國淨体妙常無影樹下合同舩千聖一轍琉璃殿
上無知識凡聖路絕若恁麼會去也必不相賺老僧恁
麼註解又是辜負國師五祖演云前面是珍珠琉璃
後面是瑪瑙珊瑚左邊是觀音勢至右邊是普賢文殊
中間有箇旛子被風吹著道胡蘆胡蘆
雪竇顯頌云無縫塔見還難澄潭不許蒼龍蟠層落落
影團團千古萬古與人看雲巖因云無影林中空塔

扣し
持し

楞嚴經云
十身者
一、如來身
二、應供身
三、福田身
四、明行身
五、三昧身
六、世間解身
七、生國身

宅上士与等
八、調御身
九、天人
十、佛身
十一、淨智
十二、三昧
十三、三昧
十四、三昧

提律儀
提善法
提益有
情

波團圓一縫其諸訛逢入擬欲親拈出還識南陽老作
廢羅漢南云窣堵無縫立還危寶鐸玲瓏八面垂千
手大悲捫不著百重關鎖下金鎖白雲端云無縫塔
從誰手造雖然有樣不堪傳如何強寫無層級永向琉
璃殿上懸長靈卓云無縫塔子鎮團藥若知端的問
耽源檀那合領深深肯大地收來薦一言

時易曰

唐肅宗帝問忠國師如何是十身調御師乃起立云還會
麼帝云不會師云與老僧過淨瓶來

唐肅宗帝問忠國師如何是無諍三昧師云檀越踏毗盧
頂上行帝云寡人不會師云莫認自己清淨法身一本

雪竇頌云一國之師亦強名南陽獨許振佳聲大唐扶
得真天子曾踏毗盧頂上行又云鐵鎚打碎黃金骨天

地之間更何物三千刹海夜澄澄不知誰入蒼龍窟

佛鑑云步步踏着毗盧頂亦非自己清淨身妙入空門

得空相祖師肝膽佛精神大瀉秀云作者清規世莫傳

金篋曾握上龍樓良哉撥破毗盧頂直得文殊笑點頭

唐肅宗帝問忠國師云師在曹溪得何法師云陛下還見

空中一片雲麼帝云見師云釘釘着懸掛着

五祖戒云好事不如無

唐莊宗帝問興化獎禪師云寡人收中原得一寶只是無

人酬價師云請陛下寶者帝以兩手引幘頭脚示之師云

君王之寶誰敢酬價帝大悅

玄覺徵云且道興化肯同光不肯同光若肯同光興化

眼在甚麼處若不肯同光過在甚麼處雪竇云至尊

胎前
病後

懷遠王也
平古王也

蔡文姬
韻府
之集
石大
陽頓

義中人義
直中

所得只可傍觀若非興化作家往往高價酬却翠巖
芝云興化當時下一着可謂酩酊如今作麼生斷雲
峯悅云真不掩偽曲不藏直有眼底辨取黃龍心云
興化雖則一期見機而作爭奈埋沒伊一朝天子當時
若作興化但向伊道蚌蛤之珠收得也無用處教伊向
後別有生涯免見迤相鈍置而今若有人問上座又作
麼生酬價天計也
北塔祚頌云君王之寶實難酬興化形言下一籌兩手
展開幙頭脚勅書掛在鳳凰樓白雲端云此番王子
彎弓射南國將軍仰面看沙上空餘斜影在翩翩直自
入雲端上方盆云展手相呈老比丘至尊之寶敢輕
酬蒲庭和氣龍顏悅爭奈胡僧笑點頭天童覺云君

王底事語知音天下傾誠蔡蘆心拈出中原無價寶不
同趙壁與燕金佛心才云中原收至寶合國不能藏
一入相如手佳聲滿大唐△佳聲一入相如手
閩王請羅山閑禪師開堂師陞座方收斂僧伽黎乃云珍
重便下座閩王近前執師手云靈山一會何異今日師云
將謂是箇俗漢

洞山聰頌云羅山忍俊不能禁大展家風吼一音紙墨
如山書莫肅衲僧休向義中尋白雲端云紛紛雪景
耀閩天閩主欣逢倍樂然一旦春風吹大地更無一點
在塔前疎山如云須彌座上斂伽黎海口潮音闡大
機世主大檀能藥鑑靈山嘉會愈增輝光明
閩王送銀交床與雪峯僧問和尚受大王如此供養將何

報蒼師以兩手托地云輕打我輕打我
踈山僧問雪峰道輕打我意作麼生山云頭上挿瓜瓞
垂尾脚跟齊

汾陽昭頌云因問如何報主恩舉畢全收坐要津舡頭
若有風浪動蒲月流沙不見人洞山聰云人王信重
送交床旁問禪徒太着忙下手低聲言少打劣中全勝
阿誰詳保寧勇云不知將甚報君恩風起江湖水皺
顏一片古帆乘興去與誰相逐過天門正覺逸云得
人一牛還人一馬投之報之風流儒雅如今大有受恩
人不知誰是報恩者

汾陽昭頌云因問如何報主恩

蓋却

長諸病
上

汾陽昭頌云柑橘閩王親手封將來直問擊胡風長人
入水分明在更問玄沙又不通汾陽為汝開天路寶坊
金界碧霄空保寧勇云閩王兩般馳獻上雪峯一等
到封回人情上下俱周美免把完全更壁開延壽云
柑子將來不用疑鐵牛蚊子咬應癡閩王猶未識師意
更請玄沙下一錐

投

祝子青禪師僧問和尚適來拈香祝聖壽且道當今皇帝
壽年多少師云月籠丹桂遠星拱北辰高
丹霞淳頌云六國清平賀聖年珠簾高捲月明前金輪
那肯當堂坐不用丹墀擊靜鞭

宰臣

天竺、白雲、
心、

朗州刺史李翱仰慕藥山儼禪師道風久矣屢請不赴乃持入山致敬肅裝客禮直造座前師端然看經殊不顧視李乃云見面不如聞名拂袖便行師却召李回首師云何得貴耳而賤目李遂頂拜起問如何是道師以手指天復指淨瓶云會麼李云不會師云雲在青天水在瓶李因有省乃呈頌云練得身形似鶴形千株松下兩函經我來問道無餘事雲在青天水在瓶

玄覺拈云且道李太守是讚他語明他語須具行脚眼始得

汾陽昭頌云雲在青天水在瓶恐君妄解作惶惶汾陽問你幽魂聽如實神通現姓名天寧璉云隴西賢相登藥嶠雲在青宵水在瓶風靜雲消空獨露天門玉女

眼、異、
花、本、

不曾局白楊順云古人問道復何言水在瓶中雲在天故國要歸歸便得離亭雲月渡頭舸無盡居士云雲在青天水在瓶眼光隨指落深坑溪花不柰霜用苦說甚深深海底行圓通偈云雲在青天水在瓶

把手共君行回頭不覺寒更曉一片紅光海上生

李刺史問歸宗教中道須彌納芥子渤郎不疑言芥子納須彌莫是妄談不師云人傳使君讀萬卷書籍是不云然師云公從頂至踵都來如椰子大萬卷詩書向甚處著李倪首而已

八駿圖樓王馬名之浮雲赤電絕群逸驟紫雲鳥綠離驥龍馬駿馬絕塵已上

佛慧泉頌云放開日月明把定乾坤黑一剎不回頭滿地生荆棘龍宮海藏芳菲多石火電光兮非急君不見紫霄峯下墨池邊八駿如風追不及永山方云芥納

須彌驗祖風清機歷歷妙難窮要知萬卷書來處跳出
當人智鑑中佛心才云芥納須彌持地疑琴書拋下
扣禪扉忽聞萬卷難藏處瞥轉神機唯自知唯自知月
桂和根拔得歸

成尚書與大將送供入雲居山乃問膺禪師云世尊有密
語迦葉不覆藏如何是世尊有密語師云尚書成應諾師
云會麼成云不會師云汝若不會世尊有密語汝若會去
迦葉不覆藏

法燈拈云且道喚底是密語應底是密語時有僧問如
何是世尊有密語燈云何曾得密來東林總云恠哉
弘覺二十年羚羊掛角絕跡亡蹤及乎被尚書一撥直
得帶水拖泥作人笑恠法燈也是日午點金燈夜半發

墨汁東林即不然如何是密語却向伊道甚與不與且
道恁麼道還有過也無良久云更不用別人性空云
逢人且說三分話未可全拋一片心

古德頌云世尊密語難覆藏迦葉迦葉見如土千古萬
古黑漫漫焦尾大蟲元是虎

郢州太守請風穴禪師衙內陞座師乃云祖師心印狀似
鐵牛之機去即印住住即印破只如不去不住印即是不
印即是時有盧陂長老出問某甲有鐵牛之機請師不搭
印師云慣釣鯨鯢登巨浸却嗟蛙步驟泥沙陂佇思師喝
云長老何不進話陂擬議師打一拂子云還記得話頭麼
試舉着陂擬開口師又打一拂太守云佛法元來與王法
一般師云太守見甚麼道理太守云當斷不斷返招其亂

師便下座

南堂靜云好一場法戰大衆還要識風元麼金鐵慣調
曾百戰鐵鞭多力恨無備要識盧陂長老麼盡道入山
擒虎易臨筌方覺取魚難要識郢州太守麼已得真人
好消息人間天上更無疑

雪竇頌云擒得盧陂跨鐵牛三玄戈甲未輕酬楚主城
畔朝宗水唱下曾令却倒流保寧云鋒頭壁立鐵牛
機十字縱橫寶劍揮一陣賊軍俱粉碎凱歌齊和太平
歸圓悟云列聖風規初不放過擬跨鐵牛驀頭印破
盧陂當斷却沈吟電轉星飛被活擒唱下機鋒如霹靂
三玄戈甲振叢林天童覺云鐵牛之機印住印破透
出毗盧頂顙行却來化佛舌頭坐風元當衡盧陂負隨

盧陂

眉目

捧頭唱下電光石火歷歷分明珠在盤駢起眉毛還蹉
過

陳揲尚書一日與諸官登樓次見數僧行過一官人云來
者總是行脚僧陳云不是云焉知不是陳云待近來與勘
過斯須數僧至樓前陳慕召上座僧皆舉頭望陳謂衆官
云不信道

馮山詒云陳尚書可謂手擎仲尼日月腰佩毗盧金印
非唯儒士驚懾亦乃衲僧罔措不見道當機如電拂方
免病接盧天童覺云陳尚書當面白拈瞞長盧一點
不得

雪堂行頌云一語離窠窟千生出蓋纏夜來風雪惡木
折古巖前

拂傑提刑入寶林寺因寫七佛殿額乃問昌禪師云七佛
重出世時如何師云一而相見一而新又同遊山次楊拈
起大士飯石問既是飯石爲甚麼咬不破師云祇爲太硬
楊云猶涉繁詞師云未審提刑作麼生楊云硬師云也是
第二月

儒士

張拙秀才因看佛名經乃問長沙岑禪師云百千諸佛但
聞其名未審若何國土師云黃鶴樓崔顥題後秀才還曾
題不云不曾題師云無事也好題取一篇

佛眼遠云大衆秀才問佛居何國土長沙爲甚麼却恁
麼道秀才尋常嘲風詠月爲甚麼長沙面前一辭不措
若是黃鶴樓有甚麼難題處聽取山僧題破遂示容顏

朝
下
下
下

觀
下
下
下

滿
下
下
下

甚奇妙光明照十方我昔曾供養今復還親覲 南堂
靜云當時若是南堂待他問百千諸佛但聞其名未審
居何國土只向道秀才秀才何得貴耳而賤目
死心新頌云黃鶴樓前法戰時百千諸佛降旗渠無
國土居何處留得多才一首詩 靈源清云聞名直下
驚天地更問所居成自滿回首却登歸去路家家門口
透長安 南華曷云百千諸佛聞名久國土莊嚴何處
求覲面若無精徹眼又隨船子下揚州 禾山方云千
佛靈蹤莫別求長沙機轉有來由要知覲面難藏處黃
鶴樓前鸚鵡洲 寶峯明云百千諸佛但聞名國土何
曾不現成自是不歸歸使得五潮煙景有誰爭 大洪
遂云黃鶴樓詩崔顥題古今吟詠韻難齋秋空月影千

江印春晚流鶯是風啼

龐居士一日向丹霞前叉手立少時却出去霞不顧士却來坐霞乃向士前叉手立少時便入方丈士云汝入我出未有事在霞云這老翁出出入入有甚了期士云略無些子慈悲霞云引得這漢到這田地士云把甚麼引霞乃拈起居士幞頭云却似一箇老師僧士却拈幞頭安霞頭上云一似箇少年俗人霞應諾三聲士云猶有昔日氣息在霞乃拋却幞頭云大似箇烏紗巾士乃應諾三聲霞云昔時氣息爭忘得士彈指三下云動天動地

佛鑑懃云丹霞與龐老開市裏相逢千峯頂上握手千峰頂上相逢却向開市裏握手如鐘在架隨和發音大擊大鳴小擊小響聲非內出亦非外來只如未扣已前

聲在何處各自歸堂宛取

大鴻智云丹霞與龐老終

日用神通是處遊歷盡全身徧界中還知麼千峯勢到巖邊止萬派流歸海上融塗毒策云平易中嶮峻斷絕處後續龐公三度扣關丹霞三回格下可謂風行草偃水到渠成檢點將來佛事門中則可衲僧分上全無我如衲僧分上又作麼生觀面機鋒如同電拂咄南堂靜頌云煇水佛老有其心肝賣策籬翁家破人殘相追相逐相激相歎難難倚天長劍兮射斗光寒攪海蒼龍兮不觸波瀾看者家家有路透長安胡釘鉸謂保壽沼禪師師云莫便是胡釘鉸麼云不教師云還釘得虛空不云請和尚打破來師便打胡云莫錯打某中師云汝向後遇多口阿師與你點破在胡後到趙州

舉前話問不知某甲過在甚處州云只這一縫尚不奈何
胡於此有省廣燈小異

雪竇顯云我要打這三箇漢一打趙州不合瞎却胡釘
較眼二打保壽不能塞斷趙州口三打胡釘較不合放
過保壽師驀拈拄杖云更有一箇大衆一時走退乃擊
禪床一下大鴻詰云這漢雖然省去可惜趙州當時
待他追其中過在甚處劈脊便棒非但承他保壽威光
亦乃與叢林爲龜爲鑑○愚鑑錄錄所以爲物見其死重所以爲疑
鼓山珪頌云一縫分明在當頭下手難饒君釘較得終
是不圓全徑山果云直饒釘得這下縫點檢將來非
好手可憐兩箇老禪翁却向俗人說家醜
雲門偈禪師問僧光明寂照徧河沙豈不是張拙秀才語

僧云是師云話隨也

徑山果云驢揀濕處尿

復庵卦云向道莫行山下路

果聞猿叫斷腸聲

法雲秀云甚處是話隨處忽有人

問法雲如何是祖師西來意只對伊道話隨也還會麼

具眠底辨取月庵果云雲門大師張幔天綱撈龍打

鳳這僧不覺入他陷穽中落他纏網裏若是福嚴郎不

然纔見伊舉道豈不是張拙秀才語但向道未到雲門

不妨疑着然雖如是也是賤過後張弓

禾山方頌云叶路縱橫得自由牢關換轉妙全收箇中

密意人難會喝下須教水例流

月菴果云萬丈龍門

勢倚空懸崔撒手辨魚龍時人只

看絲綸上不見蘆花

對夢紅

疎山如云問來答去無徧黨鐵壁银山作麼

對夢紅疎山如云問來答去無徧黨鐵壁银山作麼

水鏡一頌云
二上人來問
僧身家問
徐一頌云
徐一頌云

通縱奪臨機言話隨遂令千古動悲風
以庵明云截斷
黃河水分同大花山巨灵握手處萬古黑漫々刻々
禪林類聚卷第一

禪林類聚卷第二

佛祖

佛祖

法身

佛像

世尊纔生下乃一手指天一手指地周行七步目顧四方
云天上天下唯我獨尊
雲門云我當時若見一棒打殺與徇子喫貴圖天下大

平雪竇云便與掀倒禪床
法眼云雲門氣勢甚大
要且無佛法道理時有老宿代云將謂無人證明雪竇
又別云鉤在不疑之地
琅瑯覺云雲門可謂將此深
心奉塵刹是則名爲報佛恩
雪峯悅云雲門雖有定
亂之謀且無出身之路若也辯得許你頂門具一隻眼
洞山聰頌云四月八佛降生日指天指地稱第一九龍
噴沐水金軀摩訶般若波羅密
泉大道云指天指地
語琅琅送語傳言出盡堂使者尚能多意氣主人應是
不尋常
保寧勇云混沌未分人未曉乾坤纔事剖潛
彰天生伎倆能奇恠末上輪他弄一場
無盡居士云
七步周行手指大衲僧棒下病難全母胎出後成何事
爭似閻浮未降前
徑山杲云老漢纔生便着忙周行

後定湯方指
川向...
手...
早...
...
...

新

七步似顛狂賺他無限癡男女開眼堂堂入鑊湯慈
受深云一火鑄成金彈子團團都不費鉗錐拈來萬仞
峯頭放打落天邊白鳳兒丹山日月天四日月三月中
世尊未離地率已降王宮未出母胎度人已畢
鼓山珪頌云是非海裏橫身入豺虎羣中自在行莫把
是非來辨我平生穿鑿不相關徑山杲云利刃有密
不須祇蠱毒之家水莫掌不舐不嘗俱不犯端然衣錦
自還鄉

世尊因廣額屠兒日殺千羊一日至佛所賜下屠刀云我
是千佛一數世尊云如是如是○如指正之是未明徹白之太受之
東山覺云今時叢林將謂廣額過去是一佛權現屠兒
日殺千羊如此見廣額屠兒且喜沒交涉又云廣額正

○日殺千羊...
...
...

是箇殺人不眨眼底漢賜下屠刀立地成佛且喜沒交
涉又道廣額賜下屠刀云我是千佛一數這一佛多少
分明且喜沒交涉要識廣額麼夾路桃花風雨後馬蹄
何處避殘紅○路夾公一云大極路下一易路夾公

大梅常禪師因夾山與定山同行言語次定云生死中無
佛即無生死夾云生死中有佛即不迷生死二人是非不
已持上山參見師人事了夾便問未審二人見處那箇較
親師云一親一疎夾云那箇親師云且夫明日來夾明日
又問師云親者不問問者不親夾住後云我當時在大梅
處失却一隻眼

雪竇顯云夾山畢竟不知換得一隻眼大梅老漢當時
聞舉若以棒一時打出豈止劃斷兩人葛藤亦乃為天

茅刈草也無

汾陽昭頌云岑公拂袖播鴻機問佛人多作佛稀王主
割茅親下手不能土上更加泥圓悟勸云匡嶽何曾
之王唐皇豈可刈茅禮拜近前叉手为天十萬迢迢
投子青云苔殿重重紫氣深星分辰位正乾坤金輪不
御閻浮境豈非諸候寶印尊雲巖因云簾幕春風曉
尚寒歌樓聲咽夢驚殘金與不御人間世休羨壺中日
月寬

長沙僧問如何是諸佛師師云汝從無量劫來承甚麼人
恩力云未有諸佛已前事作麼生師云近日魯祖出世爲
人東語西話

保寧勇頌云水墨丹青狀不成混然竹木箇精靈求恩

投胡教

乞福拋盃投向道明明自不聽疎山常云混沌未分
便有渠堂堂相貌絕名模長沙謾道知恩力試問還曾
識也無

夾山會禪師僧問撥塵見佛時如何師云欲知此事直須
揮劍若不揮劍漁父棲巢後僧問石霜撥塵見佛時如何
霜云渠無國土甚處逢渠僧面舉似師師上堂云門庭施
設不無老僧入理深談猶較石霜百步

丹霞淳頌云當機一句玉珊珊內外玲瓏溢目寒無漏
國中曾不住月華影裏見應難天寧璉云太阿在手
誰敢當鋒青山萬朵白雲重重枯木成云不立纖毫
尚是塵那堪開口問他人高揮寶劍無蹤跡月裏嫦娥
現半身天童覺云拂牛劍氣洗兵威定亂歸功更是

誰一旦氛埃清四海垂衣皇化自無爲

夾山僧問如何是佛師云此位無賓主云尋常與甚人對談師云文殊與吾攜水去普賢猶未折花來陽

投子青頌云親言言處幾人知今古無儔類莫齋玉馬

雪行歸夜半羚羊掛角日沈西疎山如云大方獨立

峭巍巍八面玲瓏萬象圍正坐當軒無位位圓通無礙

應羣機拈木成云當頭不犯難開口假借傍來落二

三阜爾混融無向背西天佛是老瞿曇

洛浦安禪師僧問供養百千諸佛不如供養一無心道人

未審百千諸佛有何過無心道人有何德師云一片白雲

橫谷口幾多歸鳥自迷巢

丹霞淳頌云拾得疎慵非覺曉寒山懶慵不知歸聲前

原中到位師
ハサスハサ
コロコトシ
異本ハ作
正當轉
氣位

異本ハ作
化アリ

雲一句圓音美物外三山片月輝枯木成云是佛由來

尚涉功明心方與道相同花開花落緣何事盡歸無私

造化中佛智裕云百千諸佛眉彎曲無證無修眼搭

癡踏著未消連底凍一時認作碧琉璃

雪峯存禪師僧問如何是佛師云寐語作麼

雲峯悅云古人與麼道喚作應病與藥放過即不可若

不放過你這裏下得甚麼語僧擬議師以拂子驀口打

雪峯僧問如何是諸佛師云莫觸諱云如何是不觸諱師

云解無慚愧僧問如何是諸佛出身處師云仁者已分事

作麼生云是甚麼師云無我且問你僧無對師云我識得

你又僧問承和尚有言三世諸佛向這裏出頭不得未審

諸佛有何過所以出頭不得師云這不識羞耻漢

雲門偃禪師僧問如何是佛師云乾屎橛

佛鑑懃頌云稽首金容乾屎橛應物現形如水月香臭

皆從佛口生凡聖從來同一舌鼓山珪云不用唐言

譯休將梵語傳摩醯首羅眼對面隔西天徑山杲云

雲門乾屎橛全超法報化無事出山遊百錢杖頭掛

惠因淨云問處分明答處親半同含笑半同噴君看陌

上二三月那箇枝頭不帶春

雲門僧問如何是諸佛出身處師云東山水上行

覺報清頌云諸佛出身處東山水上行石壓笋斜出岸

懸花倒生

雲門垂示云古佛與露柱交參是第幾機自代云南山起

雲北山下雨

モトモト下カ對ス

五祖演云大小雲門大師元來小膽四面道古佛與露

柱交參是第四機良久云這箇說話面皮厚三寸出語

成不遜好將臨濟棒一日打三頓甚麼人下得手雖然

罪過彌天新赦咸放禾山方云了得物我一如能使

風雲會合須是雲門始得且道既是了得物我一如這

僧無對處又作麼生良久云嶮

雪竇顯頌云南山雲北山雨四七二三面相覩新羅國

裏曾上堂大唐國裏未打鼓苦中樂樂中苦誰道黃金

如糞土天童覺云一道神光初不覆藏超見緣也是

而無是出情量也當而無當巖花之粉兮蜂房成蜜野

草之滋兮麝臍作香隨類三仄一丈六明明觸處露堂

堂本覺一云南山雲北山雨新羅打鼓韶陽舞石虎

吟吼上九天泥牛入海無尋處

疎山仁禪師僧問如何是諸佛師師云何不問疎山老漢
投子青頌云養子方知在上慈親言無味外人疑欲窮
滄浪深深處聽取漁家輞莫迷

洞山初禪師僧問如何是佛師云麻三斤

玉泉璉云天無四壁地絕八荒向甚麼處與洞山相見
咄

北塔祚頌云麻皮三斤不用秤秤頭那肯坐於蠅一念
纔生筋骨露徒勞更覓定盤星雪竇顯云金烏急玉
兔速善應何曾有輕觸展事投機見洞山跛鼈盲龜入
空谷花簇簇錦簇簇南地竹兮北地木因思長慶陸大
夫解道合哭不合哭法昌遇云火麻皮子若何分臘

雪煎茶解醉君更有路有人未到野花含笑舊枝春
投子青云三年一閨大家知也有瞞頂不記時昨日鴈
回沙塞冷嚴風吹綻月中枝無盡居士云三斤足秤
洞山麻撥動鎗銖萬里差啼得血流無用處夜來依舊
宿蘆花

風穴沼禪師僧問如何是佛師云杖林山下竹筋鞭

慈明圓頌云杖林山下竹筋鞭南北禪人萬萬千莫恠
相逢不下馬東西各自有前程雲峯悅云杖林山下
竹筋鞭頭尾拈來總一般莫恠玄沙不出嶺他家元是
釣漁舩海印信云杖林山下竹筋鞭枝節蕭疎古澗
邊要會宗師開正眼滿輪午夜照秋天真淨文云杖
林山下竹筋鞭水在深溪月在天良馬不知何處去阿

難依舊世尊前
雲溪恭云杖林山下竹筋邊南北行
人萬萬千堪羨一堂無事客卧雲深處不朝天

風穴僧問如何是佛師云如何不是佛云未曉玄言乞師再指師云家住海門東扶桑最先照

保寧勇頌云眉間一道白毫光歷劫知將甚處藏永夜寂寥天未曉更須斫額望扶桑

法眼益禪師僧惠超問如何是佛師云汝是惠超其僧於是悟入入白雲端頌云文大光錢買得箇油糍喫向杜裏了當下不別處五

汾陽昭頌云問佛從頭埋不虧莫同巧妙騁鋒機真金若不鑪中煅爭得將金喚作泥雪竇顯云江國春風吹不起鷓鴣啼在深花裏三級浪高魚化龍癡人猶岸夜塘水天衣懷云通官買賣不相饒問佛言云是惠

超嗟見衲僧生異解認他虹虹作僊橋
佛惠泉云縑
到元正便是年暖風無颺不陶然途中多少尋春客悞
聽黃鶯作杜鵑
真歇了云問佛分明荅惠超羊介八

兩不相饒叢林萬古爲殃禍惡語傷人恨不消

廣德禪師僧問如何是佛師云盡戟門開見墜僊僧馳此

語至州中悟空。飢便問盡戟門。開見墜僊意。肯如何。空云。真饒親見釋迦來智者。咸云。不是佛師後。聞此語。遙望城。

中禮拜云悟空古佛豈止羊二十口

琅瑯覺云廣德腦後添了悟空眼中拔楔雖然善順機

宜敢保他家未徹

水庵一頌云。晝戟門開。見墜僊。廓然身在洞中天。從茲

不復論冬夏石爛松枯知幾年

首山念禪師僧問如何是佛師云新婦騎驢阿家牽
五祖演云大衆莫問新婦阿家免煩路上波吒遇飯即
飯遇茶即茶同門出入宿世冤家

海印信頌云新婦騎驢阿家牽王老空中駕鐵瓶井底
掛帆風勢惡須彌頂上浪滔天 南華曷云新婦騎驢
阿家牽萬里滄溟駕鐵船參差島嶼分諸國彷彿星河
共一天 文殊道云新婦騎驢阿家牽碧玉羅紋頂上
旋播土揚塵尋不見元來只在舊山前 天童覺云新
婦騎驢阿家牽體段風流得自然堪笑効彌隣舍女向
人添醜不成妍 徑山果云新婦騎驢阿家牽步步相
隨不着鞭歸到畫堂人不識從今懶更出人前
長慶稜禪師有時云寧說阿羅漢有三毒不說如來有二

種語不道如來無語只是無二種語保福云作麼生是如
來語師云聾人爭得聞福云情知汝向第二頭道師云作
麼生是如來語福云喫茶去

雲居錫云甚麼處是長慶向第二頭道處

雪竇顯頌云頭考第一第二則能不鑑止水無處有月
波澄有處無風浪起稜禪客稜禪客二月禹門遭點額
白雲端云不說如來有二語三三爲九須重數何謂聾
人爭得聞孤喪未免還歸主 佛鑑懃云無是無非歸
掌握有聞有見隔關山始知一種如來語不在世人情
解問 南華曷云第一頭第二頭清風明月兩悠悠將
軍戰馬今何在野草閑花滿地愁 天彭禪師僧問如何是佛師云親切不離家寂寞不當戶

禾山方云天彭與麼說話終成滲漏且道三種滲漏中
隨在那種滲漏要會麼無身有事超岐路無事無身落
始終

投子青頌云白雲時映舊山青竹鎖薄煙露幾莖虛室
夜寒秋月迥鴈回遙聽可三更

九峯展禪師僧問承聞和尚有言諸聖問出祇是傳語人
是不師云是云世尊一手指天一手指地云天上天下唯
我獨尊和尚爲甚麼却喚作傳語人師云我爲一手指天
一手指地所以喚作傳語人

丹霞淳頌云妙相圓明不可親奴兒婢子自慙慙指天
指地稱尊大也是傳言述語人

同安察禪師僧問如何是天人師師云頭上角不全身上

毛不出

丹霞淳頌云祕殿重幃曉尚寒丹墀苔潤未排班寶香
鳳燭煙雲合寂々簾垂不露顏

雲住禪師僧問如何是諸佛師云云文殊聳耳

丹霞淳頌云無相光中未兆身清虛渺邈豈爲隣一輪
明月當軒照王殿蕭蕭不見人

趙橫山永禪師僧問如何是佛師云平地望高坡

投子青頌云江山盡幾幾施功方得逢人話背同春到
洞庭南壁岸鳥啼西嶺月生東

曹山霞禪師僧問佛未出世時如何師云曹山不如云出
世後如何師云不如曹山

五祖演云若以世諦觀之曹山合喚二十棒若以祖道

觀之白雲合契二十棒然雖如是棒頭有眼兩人中一人全肯一人全不肯若人點檢得出許你具半隻眼天童覺云佛與曹山賓主互換出世不出世各具一隻眼未有長行而不任長住而不行還會麼幽洞不拘關鎖意縱橫那涉兩頭人松源岳云較已讓入弄巧成拙出出未出世虛空裏釘橛曹山有沒量罪過治父亦有沒量罪過汝等諸人還檢點得出麼一東二冬又手當曾玉泉璉云火燒荆棘三千界鐵鑄浮屠百萬層投子青頌云月隱青山瑞氣高格藏丹鳳觀無寥無端石馬潭中過驚起泥龍翻海潮五祖戒禪師僧問如何是佛師云踏着秤槌硬似鐵雲峰悅頌云踏着秤槌硬似鐵懺懺禪和猶未瞥三冬

淨看
淨看

治
治

嶺上火雲生六月長天降大雪白雲端云踏着秤槌硬似鐵此時有理不能說新羅國裏火星飛直向雲門指上熱天寧璉云信步紅塵裏無人問短長歸來天欲暮片月照滄浪

法華舉禪師僧問如何是佛師云蘆芽穿膝大海印信頌云信手拈來如掣電全機大用疾如風放行一句通消息後夜猿啼在亂峯

法華示衆云釋迦不出世達磨不西來佛法徧天下談玄口不開

徑山杲云作賊人心虛

慈明圓禪師僧問如何是佛師云水出高原師自頌云水出高原也大奇禪人不會眼麻彌若也未

鋸解秤槌
言入頭也
沒滋味也

明泥水句燈籠露柱笑啼个 正覺逸云慈明為水出
高原天下禪僧走似煙只聽清聲來耳畔不知流落那
峯前 瀉山秀云衝斷雲根迸石來冷冷千古下崔嵬
未明滴滴朝宗意聽取春深動地雷 地藏恩云高原
水出曉晴天對谷臨機豈偶然衲子不知流落處一尋
寒木破溪煙

古云作家眼目鋸解秤槌

大愚芝禪師僧問如何是佛師云鋸解秤槌
白雲端頌云鋸解秤槌無縫罅風吹日炎朝復夜雖然
不許亂商量一任稱提遶天下 鼓山珪云鋸解秤槌
渾似鐵大愚老子曾饒舌水流澗下太忙生雲在嶺頭
閑不徹 徑山杲云問佛如何是宗師即便酬秤槌將
鋸解言外度迷流

湖南長老
名知微

騎
夢
七連
サ
シ
マ

楊歧會禪師僧問如何是佛師云三脚驢子弄蹄行云莫
只這便是師云湖南長老
應庵華云大小楊歧話作兩橛且道薦福為人眼在甚
麼處 松源岳云大小楊歧被這僧靠倒
白雲端頌云三脚驢子弄蹄行奉報行人着眼睛草裏
見他須喪命只緣踢踏最分明 保寧勇云前步高兮
後步低動頭搖尾三隻蹄騎過鬧市人東西湖南更有
須善提 佛鑑勲云三脚驢子弄蹄行騏驎追風趁不
前踏破化城無覓處湖南長老重加鞭 佛性忞云三
脚驢子弄蹄行步步蓮花襯足生堪笑草中尋覓者不
知芳樹轉春鶯 鼓山珪云三脚驢兒感殺好長放後
園教喫草箒閑牽去向人前踢倒湖南長老

圓悟勸禪師僧問如何是佛師云口是禍門

鼓山珪頌云的的當陽句明明箭後路着靴人喫肉赤

脚人趁免徑山杲云口是禍門電激雷奔婆竭出海

震動乾坤

老宿僧問如何是佛宿云不封不樹

法華舉云大衆會麼若不會重下注脚去也不封不樹

以棘藥

智門祚禪師僧問如何是佛師云踏破草鞋赤脚走云如

何是佛向上事師云拄杖頭上挑日月

雪竇顯云千兵易得一將難求南堂靜云問又問得

好蒼亦答得奇今日或有人問踏破草鞋赤脚走意旨

如何只向道碧潭深處清秋月柱杖頭上挑日月又作

麼生紫羅帳裏撒真珠然雖如是此猶是讚歎之語却

如何是佛一池菡萏蓮兩株清瘦栢如何是佛向上事

長向僧家庭何勞問高格又頌云踏破草鞋赤脚走曾

中憤氣衝牛斗須彌頂上擊金鐘百戰場中獅子吼

五祖演禪師僧問如何是佛師云肥從口入又云露曾跣

足

佛鑑懃頌云老去眉鬚似雪霜元來習氣尚難忘少年

無限傷心事一度思量一斷腸

五祖示衆云釋迦彌勒猶是他奴且道他是阿誰

南堂靜頌云老年經節臘樂事甚悠悠不及兒童日都

來不解愁

薦福古禪師僧問如何是佛師云莫莫又問如何是祖師

二十一

一、老山二、病山三、死山四、衰耗山四山為駢見之

アリトエズルヲ申シ居シカ人

不申之

佛向上事

トレスコシトモ

呻吟 皺鼻

皺質

坐

白鹿顯禪師僧問如何。是無相。佛師云。灘頭石獅子云意。

肯如何師云有心江上住不怕浪淘沙

三十六萬億，一十一萬九千五百，同名同號阿彌陀佛。

或庵體頌云竹溪煙絕雨纔通無數深紅間淺紅山店

落英春寂寂，青旗吹動柳花風。

澄慧端禪師僧問如何是佛師云泥捏金裝云如何是法

師云海口難宣云如何是僧師云剃頭洗鉢云向上更有

事也無帥去不妨惺惺

保福殊禪師僧問如何是佛師云巧畫不似云如何是法

師云巧說不出云如何是僧師云翳頭跣足

道吾能禪師僧問如何是佛師云毀著不嗔云如何是法

師云讚著不喜云如何是僧師云剝除鬚髮

九峯虔禪師因洞山問祖祖相傳合傳何事師云釋迦慳

問史孟嘗
君傳云名
大姓思
秦昭王印
以孟嘗君
為秦相
今生曰今
本上トミ
林寺本モ
寺本モ今
丁ルカ
今上ト
今上ト
今上ト

迦葉富山云如何是釋迦怪師云無物與人云如何是迦
葉富師云國內孟嘗君云華竟傳底事作麼生師云百歲
老兒看夜燈
禾山方云洞山雖則尋流討源未免黏牙帶齒度禪師
可謂據今而行畢竟翻成露布若此見得水到渠成其
或未然切莫向燈影中行
丹霞淳頌云寂光裏現全身貴異天然迥出倫家富
兒奴偏得力夜分燈火照西隣
大光誨禪師僧問達磨是祖不師云不是祖云既不是祖
又來作箇甚麼師云為汝不薦祖云薦後如何師云方知
不是祖

丹霞淳頌云少林續焰事堪奇腊夜梅開雪後枝黃蘗

昔年曾有語大唐國裏沒禪師

趙州諗禪師僧問牛頭未見四祖時如何師云飽柴飽水
云見後如何師云飽柴飽水

汾陽昭頌云古人抱志坐牛頭信師就話示無休飽柴
飽水安心靜真正無私是趙州

楊岐會禪師僧問少林面壁意旨如何師云西天人不曾
唐言

白雲端頌云天高地迥非難見水闊山重不易論萬古
八風吹不入西天人不曾唐言

永安靜禪師僧問牛頭未見四祖時如何師云異境靈松
觀者皆羨云見後如何師云葉落已枝摧風來不得韻

丹霞淳頌云寶杖親携掛翠纓徘徊常遶玉階行轉身

就父無標的拈却花冠不得名

五祖演禪師僧問如何是臨濟下事師云五逆聞雷云如何是雲門下事師云紅旗閃爍云如何是潯陽下事師云馳書不到家僧作禮師云何不問法眼下手云留與和尚師云巡人犯夜鼓山珪頌五逆聞雷云從來五逆怕聞雷不似大蟲看水磨孤峯頂上要同行十字街頭還共坐徑山杲云五逆聞雷曾參顏回一粒豆子爆出冷灰○曾參顏回四子皆大弟子護國元禪師僧問如何是臨濟宗師云殺入活人不眨眼云如何是雲門宗師云頂門三眼曜乾坤去如何是潯陽宗師云推不向前約不向後云如何是法眼宗師云箭鋒相敵不相饒云如何是曹洞宗師云手執夜明符幾箇知

水磨孤峯

天曉

羅漢宗禪師僧問祖師未來時如何師云海分千派浪地投萬重山云來後如何師云片雲生晚谷明月下堂堦

法身

仰山寂禪師僧問法身還解說法也無師云我說不得別有一人說得云說得底人在甚處師乃推出枕子潯山聞乃云寂子用劍刃上事

應庵華云若是劍刃上事仰山何曾會用忽有箇衲僧出來問章山法身還解說法也無只向他道我說不得別有一人說得又問說得底人在甚處只對他道三生六十劫松源岳云仰山尋常一條脊梁硬似鐵被這僧連拶兩拶便乃四稜塌地潯山一期忍俊不禁不知

失却一隻眼，忽有僧問：「冷父法身還解說法也無？」便與攔官一踏踏倒，教伊起來，作箇灑灑落落底漢，不見道：「犀因翫月，紋生角象，被雷驚花入牙。」

乾峯禪師上堂云：「法身有三種病，二種光，須是一一透過始得。須知更有照用同時向上，一竅雲門出衆云：「庵內人爲甚不見庵外事？」師呵呵大笑，門云：「猶是學人疑處。」師云：「子是甚麼心行？」門云：「也要和尚相委。」師云：「直須與麼始解穩坐，門應諾諾。」

雪竇顯云：「若明得褒貶句，未必善因而招惡果。」
馮山果云：「乾峯平地生堆，暗石因風起浪，雖然合冰和泥，千古叢林榜樣，既是合水和泥爲甚麼却是叢林榜樣？不入洪波裏，爭見弄潮人。」
四祖登云：「乾峯布漫天網，打」

鳳羅龍格外清規，爲尋知己，雲門酒逢知己飲，詩向會人吟，也是利動君子，要見二大老麼？好手手中誇好手，一條拄杖帶人昇。

白雲端頌云：「鋪主將鎗試寶人，謂言難似此，金真寶人拂袖先行去，滿面慚惶不敢噴。」
佛性泰云：「垂釣四海釣，寧龍格外玄，談知己從相見，披衫帶席帽，不妨把手上高峯。」
楚安方云：「三種病，二種光，法身於此露堂堂，時人不曾箇中意，猶把法身謾度量。」
欽山方云：「三種病，二種光，納僧於此共商量，商量得到無疑地，野草閑花滿地香。」

雲門偃禪師僧問：「如何是透法身？」師云：「北斗裏藏身。」
徑山杲云：「雲門老人恁麼道，只荅得法身句，未荅得透。」

此乃藏身已過，若更進一，金口
無有微細，無所不周，上下一體

佛記

釋教一帝
星王為普為
依草附木
一棺之亦精
吳思下之是
唐白山說
柏林是文
星

釋教一帝
星王為普為
依草附木
一棺之亦精
吳思下之是
唐白山說
柏林是文
星

法身句今日或有人問徑山如何是透法身句即向他
道蟬螟眼裏放夜市大蟲舌上打鞦韆
玉潤林頌云北斗藏身為舉揚法身從此露堂堂雲門
賺殺他家子直至如今謾度量慈明圓云南北東西
萬萬千乾坤上下廣無邊相逢相見呵呵笑屈指擡頭
月半天雪竇顯云老倒雲門泛鐵船江南江北競頭
看可憐無限垂釣者隋例忙忙失釣竿五祖演云何
事文星與酒星一時分付與先生高吟大醉三千首留
與人間伴月明無盡居士云透出毗盧頂上光夜來
星轉斗中藏禪家不掐天師訣也解交軋步踏罡
雲門僧問如何是法身師云六不收
雪竇顯頌云一二三四五六碧眼胡僧數不足少林謾

解正氣步踏罡

道付神光卷衣又說歸西竺西竺茫茫無處尋夜來却
對乳峯宿白雲端云六不收兮調最新能敬何待繞
梁塵和風蒲檻花千樹不換乾坤別是春圓悟勤云
一不立六不收突然那更有蹤由無限青山留不住落
花流水太悠悠
雲門僧問如何是清淨法身師云花藥欄云便與麼去特
如何師云金毛獅子

雪竇顯着語云太無端天童覺云賊來須打客來須
待雲門雪竇二俱作家這裏莫有便與麼去者麼切忌
撞頭磕額
雪竇頌云花藥欄莫顛頂星在秤兮不在盤便與麼太
無端金毛獅子大家看雲溪恭云是處三春花藥欄

五湖禪客不須看尋枝摘葉應難會牙爪分明子細觀
枯木成云遊子奔馳不少安但知門外逐歌歡自家出
地荒來久只看人間花藥欄 佛智裕云清淨法身拖
藥欄眉毛刺倒須彌山誰將玉笛傳淒怨吹過蘆叢明
月灣

雲門僧問如何是法身向上事師云向上與汝道即不難
作麼生會法身云請和尚鑑師云鑑即且致作麼生會法
身云與麼與麼師云這箇是長連床上學得底我且問汝
法身還解喫飯麼僧無對師云須知是學語之流
雪竇顯云將成九仞之山不進一簣之土過在甚麼處
梁山庵主云雲門直得入泥入水 玄覺云喫甚麼作
飯 圓悟勤云雲門可謂駘耕夫之牛奪飢人之食權

衡佛祖龜鑑宗乘所以後來尊宿各出眼目扶豎大教
雖然如是只明得法身邊事未明得法身向上事且道
如何是法身向上事域中無向背閭外有權衡
南堂靜頌云韶陽機鋒迅雷霹靂僧問法身喫飯不喫
學語之流卒說不出山河大地聊克饑四海五湖輕一
吸

雲門云光不透脫有兩般病一切處不明面前有物是一
又透得一切法空隱隱地似有箇物相似亦是光不透脫
又法身亦有兩般病得到法身為法執不忘已見猶存坐
在法身邊是一直饒透得法身去放過即不可子細點檢
來有甚麼氣息亦是病
徑山杲云不用作禪會不用作道會不用作向上商量

此是雲門老漢據實而論我恁麼道有沒量罪過汝若
檢點得出計你具擇法眼若檢點不出且向雲門葛藤
裏參
天童覺頌云森羅萬象許崢嶸透脫無方礙眼睛掃彼
門庭誰有力隱人肯次自成情船橫野渡涵秋碧棹入
蘆花照雪明串錦老漁懷就巾飄々一葉浪頭行
芭蕉清禪師僧問如何是透法身句師云一不得問二不
得休云學人不曾師去第三度來與你相見
松源岳以拂子擊禪床云還見麼握土成金猶可易變
金爲土始知難
投子青頌云休問維摩卧病城靈山空自掩光陰流沙
欲渡全無難莫聽鶯啼在那林西禪需云一不問兮

二不休直須識取那鉤頭再三回首來相見急水波心

白馬禪師僧問如何是清淨法身師云井底蝦蟆吞却月

黃龍僧問如何是井底蝦蟆吞却月龍云不柰何云恁麼即吞却去也龍云一任吞云吞後如何龍云好蝦蟆丹霞淳頌云九重深密視聽難玉殿瓊樓宿霧攢燮理盡歸臣相事輪王不戴寶華冠

風穴沼禪師僧問如何是清淨法身師云金沙灘頭馬郎婦

浮山遠頌云相逢盡道歸山去林下何曾見一人回首面南者北斗金雞早報五更春海印信云截鐵之機

研
サ
ケ
ル
マ
リ
ト
ケ
ル

安可測頓開千眼莫能窺禪人到此徒名貌錯認查梨
作乳梨正覺逸云金沙灘裏馬郎婦宗匠臨機發一
言自笑箭穿紅日影孰云斫水不成痕無盡若士云
何年嫁事馬家郎鳳枕同歡碧玉床回首盡橋離別苦
落花流水淚千行

蟾首座問洞山佛真法身猶若虛空應物現形如水中月
作麼生說箇應底道理山云如驢覷井座云是則是只道
得八成山云首座作麼生座云如井覷驢或作曹山問僧

瑞巖鴻云首座始道一半洞山方得八成要得全道麼
如井覷井

枯木成頌云出路從前無十成有言須是脫凡情江邊
玉女呵呵笑嶺上石人倒耳聽無爲居士云驢覷井

井覷驢五臺何處不文殊黃面老人任多口未知道得
八成無天童覺云驢覷井井覷驢智容無外淨涵有
餘肘後誰分印家中不蓄書機絲不掛梭頭事文彩縱
橫意自殊

大龍禪師僧問色身敗壞如何是堅固法身師云山花開
似錦澗水湛如藍首楞嚴云大空禪僧如是

禾山方云這僧只有照壁月更無吹葉風若不是大龍
全機幾乎話作兩橛參

雪竇顯頌云問曾不知答還不會月冷風高古巖寒檜
堪笑路逢達道人下將語默對手執白玉鞭驪珠盡擊
碎不擊碎增瑕類國有憲章二千條罪南堂靜云色
身敗壞世常情一點靈光到處晶澗水如藍花似錦法

類
イト
ケ
ル
品
ア
キ
ラ
カ

是生鐵

廣德延禪師僧問如何是透法身句師云無力登山水節戶絕知音

丹霞淳頌云體妙探玄盡涉程爭如野老異中行功忘日用平懷穩免事君王寵辱驚

天寧楷禪師上堂云法身者理妙言玄頓超終始之患諸仁者莫是幻身外別有法身麼莫即幻身便是法身麼若也恁麼會去盡是依他作解蒙昧兩歧法眼未得通明不見僧問夾山如何是法身山云法身無相如何是法眼山云法眼無瑕所以道吾云未有師在忽有人問老僧如何是法身羊便乾處卧如何是法眼驢便濕處尿更有人問作麼生是法身買帽相頭作麼生是法眼玩坎堆阜若點

檢將來夾山祇是學處不玄如流俗閨閣裏物不能捨得

致使情關固閉識鎖難開老僧今日若不當陽顯末後學何以如歸勸汝諸人不用求真唯須息見諸見若盡昏翳不生自然智鑑洞明更無他物諸人還會麼良久云珠中有火君須信休向天邊問太陽

丹霞淳頌云道合平常絕異端行人何必歷艱難從今莫買孫臏卜龜殼無靈不用鑽

佛像

世尊住忉利天為母說法優填王思佛命匠人雕旃檀像及至世尊下來像亦出迎

五祖演云諸人且道下來底是出迎底是又教中道如來者無所從來亦無所去莫是法身無來去化身有來

買帽相頭
家隨堂險
下二寸

寵辱驚

去麼若人於此見得日消萬兩黃金其或未然草鞋錢教甚麼人還

無邊身菩薩將竹杖量世尊頂丈六了又丈六量到梵天不見世尊頂相乃擲下竹杖合掌說偈云虛空無有邊佛功德亦然若有能量者窮劫不可盡

五祖演云大衆無邊身菩薩說偈且止諸人還解自量也無若教老僧自量直是無下手處不見古人道卧克佛座功德難量盞子燒香紫雲變隸何故如是別是一家春

南泉願禪師因陸直大夫問弟子家中有一片石亦曾坐亦曾卧如今欲鑄作佛也還得麼師云得得陸云莫不得麼師云不得不得

雲巖云坐即佛不坐即非佛洞山云不坐即佛坐即非佛保福展云南泉看樓打樓雲巖洞山一起一倒五祖戒云南泉只解移風不解易俗雲巖洞山夢中說夢虎丘隆云南泉雖似鏡之端形胡來胡現漢來漢現只是不通檢點當時待他道弟子家中有一片石亦曾坐亦曾卧欲鑄作佛得麼只對道莫惜高名鑄石上維摩傾盡此時心大童覺云轉功就位轉位就功還他洞上父子且道南泉意作麼生直是針錐不得真如詰禪師頌云得與不得天寬地窄坐卧經行無勞疑惑正覺逸云問得也道得不得還不得侯白何曾白侯黑未是黑貴池王老師天下賊中賊賊大夫象簡曾拈得黃龍震云南泉得得何似不得淑人君子其

古之三將謂侯
白更有侯里
在
言侯黑勝
賊秋

儀不成 佛眼遠云親從家中來家中何所有持此一片石廣大堅且久靈山曾獻佛帝釋聊舉手心中出何物安樂并長壽

丹霞然禪師嘗到洛京慧林寺值天寒遂於殿中取木佛燒爇向院主偶見呵責云何得燒我木佛師以杖撥灰云吾燒取舍利主云木佛安有舍利師云既無舍利更請兩尊再取燒之院主自後眉鬚墮落

投子青云不會爲客勞煩主人應庵華云諸方商量道院主忽起疑心而致斯禍又云院主天寒不與丹霞爇火向致令燒却木佛遂乃眉鬚墮落殊不知院主買鐵得金一場富貴

無盡居士頌云空擁巖扉凍不春一尊木佛劈爲新眼

善祥列破

鋪佛像

睛動處眉毛落爲謗如來正法輪 投子青云古巖苔閉冷侵扉飛者驚危走者迷夜深寒熱汀洲火失曉漁家忙自疑 佛燈珣云老倒丹霞燒木佛院主眉鬚剛突出罪過從來做底當誰道千虛不博實 楚安方云觀面難藏向上機宗風千古爲人施銀山鐵壁重重透賴有丹霞院主知

長髭曠禪師初參石頭頭問甚麼處來師云太庾嶺頭來云太庾嶺頭一鋪功德成就也未師云成就久矣只欠點眼云莫要點眼不師云便請石頭垂下一足師便禮拜頭云見甚麼道理便禮拜師云如紅爐上一點雪玄覺云且道長髭具眼祇對不具眼祇對若具眼爲甚麼請他點眼若不具眼又道成就久矣且作麼生商量

法燈代云和尚可謂眼昏 雪竇顯云無眼功德有甚
麼點處 南華曷云喚作一鋪功德已是強名石頭垂
下一足長髭云如紅爐上一點雪轉見漏逗雖然如是
劍閣路雖險夜行人更多
保寧勇頌云一鋪大悲千手眼十分圓就未開光君看
筆下神通現更有靈蹤在上方 天童覺云嶺頭功德
眼倦足等閑垂紅爐一點雪直下廊下依 無盡居士
云國手精奇老石頭毫端點出佛雙眸破繩床上閑垂
足兩道神光夜不收 智海清云長髭未向嶺南來功
德圓成眼已開珍重善財回首處文殊元不下樓臺
草堂清云撥草瞻風到石頭關山重疊路迢迢嶺頭功
德圓成久一點紅爐雪未消

黃蘗運禪師因裴相國捧一尊像於師前跪云請師安名
師召云裴休裴應諾師云與汝安名竟裴作禮
雪竇顯代裴相國當時便喝

汾陽昭頌云師前跪托請安名驀地當鋒喚一聲不是
裴公誰敢應直教聾聵也開聽 佛印元云裴相當時
忘却名被人喚著又惺惺不知未具胞胎日誰敢塗胡
此性靈 保寧勇云五彩雜來掌上擎老胡剛爲立虛
名君今欲得超諸祖須向金剛頂上行 華堂清云不
是心兮不是佛黃蘗喚出是何物裴公從此認虛名天
下衲僧跳不出 楚安方云捧來前面請安名黃蘗高
高喚一聲剖出從前真面目從茲依得國風清
黃蘗因裴相國入大安寺見壁間高僧畫像乃問主僧真

個個上化激
四下泥泥
多正極至極

容可觀高僧何在主無語裴云此間莫有禪僧麼主云近
有一僧投寺執役頗似禪僧即是師也裴乃召至理前詰
師云請相公垂問裴云真容可觀高僧何在師召相公裴
應諾師云高僧何在裴於言下大悟

應庵華云大衆黃磬布縵天網要打衝浪錦鱗裴相國
坐籌帷幄不務決勝千里諸人若也於此見得個儻分
明可謂今之古之苟或未然三尺龍泉光照膽膽萬人叢
裏奪高標

趙州諗禪師示衆云泥佛不度水金佛不度鑪木佛不度
火

白雲端云大衆趙州老子十二劑骨頭八萬四千毛孔
一時拋向諸人懷裏了也圓通今日路見不平爲古人

出氣以手拍禪床一下云須知海嶽歸明主不信乾坤
陷吉人參

雪竇顯頌云泥佛不度水神光照大地立雪如未休何
人不雕偽金佛不度鑪人來訪紫胡牌中數箇字清風
何處無木佛不度火常思破甕墮杖子忽擊着方知辜
負我 白雲端云併却泥佛金木佛趙州放出遼天鷗
東山南北謾擡頭萬里重雲只一突 鼓山珪云金佛
木佛泥佛度鑪度水度火盡入趙州紅鑪烈焰光中煨
過一聲白雲陽春萬古無人能和 徑山杲云九十七
種妙相顧陸丹青難狀趙州眼目精明覩見心肝五臟

伽藍

殿堂

塔廟

丈室

門戶

橋路并附

伽藍

世尊與衆行次以手指地云此處宜建梵刹帝釋將一莖草揮於地上云建梵刹已竟世尊微笑

天童覺頌云百草頭上無邊春信手拈來用得親丈六金身功德聚等閑攜手入紅塵塵中能作主化外自來賓觸處生涯隨分足未嫌伎倆不如人

無着禪師因往五臺禮文殊因告辭文殊舍均提童子送出門首師問此寺是何名額童子指金剛背後師回首寺與童子俱隱沒只見荒草空谷

洞山云欲觀其父先觀其子烏巨行云此是兄弟合

做底事還會麼聖寺忽然隱處無着已眼親開童子拜三喚時數目十分具足

明招謙頌云廓周沙界聖伽藍滿目文殊接話談言下不知開佛眼回頭只見翠山巖正覺逸云寺額突然

耀指端大悲千眼莫能觀自從一觀金剛背直至如今作野盤佛印元云樓臺雖有額全無試問頑童起却

初忽指金剛看背後年裏多被鬼揶揄道吾真云前後二三是多少大事光輝明皎皎回頭不見解空人滿

目白雲卧荒草

趙州諗禪師僧問如何是清淨伽藍師云了角女子云如何是伽藍中人師云了角女子懷胎

汾陽昭頌云橫肩抱腹藏龍種刻膽披肝觸鳳胎勿謂

百院集卷之

雪峯有禪師僧問如何是空王殿師云大小云如何是空王佛師云是甚麼

雲門偃禪師僧問古殿無佛時如何師云梵音何來

南堂靜頌云古殿無佛梵音何來夢中喚省樓閣門開

靈光一點絕塵埃耀古騰今徧九垓九列都

南院顯禪師僧問古殿無佛時如何師云明堂瓦掛簷云

焦廐則莊嚴畢備去也師云斬草蛇頭落

古德頌云縱奪之機安可測隨言生解實堪悲曉來一

陣春風起吹落庭前三四枝

德山鑑禪師行脚時挾襖子到瀉山直上法堂上從西過

東從東過西顧視方丈瀉山不顧師去無無便出去雪實

破語云勘師至門首却云也不得草草却具威儀再入相見

纔跨門提起坐具召云和尚滿擬取拂子師便喝拂袖而

出實云勘瀉至晚問首座今日新到在不座云當持背却

法堂着草鞋出去了也瀉云還識此人座云不識瀉云

此子已後向孤峯頂上盤結草庵呵佛罵祖去在實云雪

五祖戒云德山作賊人心虛瀉山賊過後張弓徑山

杲云二尊宿恁麼相見每人失却一隻眼

雪竇顯頌云一勘破二勘破雪上加霜曾嶮隨飛騎將

軍入虜庭再得完全能幾箇急走過莫放過孤峯頂上

草裏坐上方益云偷營斫寨入中軍應是機謀已十

分袖裏金鎚猶未動山前飛騎去紛紛海印信云虎

穴深林人不到到者還須是獵人老虎睡驚纔舉目瞥

然跳出獲全身佛鑑勸云德山老能法戰一喝聲光

營說文
西居之章
墨之
塞紫史也
軍宿七

吼雷電騎虎頭兮收虎尾將虎鬚兮真可羨急走下山
三十里又被瀉山追一箭
重峰存禪師示衆云望州亭與汝相見了也烏石嶺與汝
相見了也僧堂前與汝相見了也後來保福問鵝湖僧堂
前且致望州亭烏石嶺甚麼處相見來鵝湖驟步歸方丈
保福便低頭入僧堂

東禪齋云此二尊宿會不是相見不相見試斷看雪
竇顯云二老是則是只知雪峰放行不見雪峯把定忽
有箇衲僧出來問未審雪竇作麼生豈不是別機宜識
休咎底漢遠有望州亭烏石嶺相見底衲僧麼良久云
擔板禪和如麻似粟薦福信云古人與麼只有順水
之波且無逆風之浪寶林遠云雪峯是三處相見保

福以兩處問人鵝湖只解把定不解放行若有問寶林
烏石嶺望州亭甚麼處相見攔腮便掌待伊擬議拽拄
杖打出三門且要與雪峯流通此話

汾陽昭頌云望州烏石與堂前相見相逢萬萬千唯有
鵝湖并保福此特相見解推遷海印信云望州烏石
常相見何故禪人却背違保福鵝湖雖得意理真曾未
展鏘旗佛眼遠云密密堂堂早二三本來無物更何
堪癡人見了生歡喜作者相逢滿面慚經山杲云望
州烏石與僧堂業識忙忙不可當提起衲僧拄杖子五
湖四海沸如湯大洪遂云登山過水幾箇个特地相
逢問道途堪笑華山潘處士長安路上倒騎驢
雲石簡禪師僧問孤峯獨宿時如何師云閑却七間僧堂

潘常山
云望州亭
與僧堂
相見了也
僧堂前
與汝相見
了也

鐵通作鐵
鐵骨鐵
鐵骨鐵

傳粉市魏
何是字平
叔子白牡
丹壁言喻
美人

是龜毛長三尺亦有殺人刀亦有活人劍大眾且道畢竟明甚麻邊事翻身獅子大家看佛燈珣云踈山傾囊答謝其奈尺頭有寸這僧只知造塔元來秤尾無星大嶺三文兩鐵支破不難慧日若作這僧待踈山恁麼道但對曰某甲今日功不浪施着得箇語免被三文兩鐵擾亂一生不教踈山外揚家醜只如膳月蓮花龜毛三尺又且如何要會麼待諸人造塔成就即向你道佛鑑懃頌云接得風流傳粉郎一朝三度巧梳粧改頭換面無人識元是東村李二娘佛性泰云窣堵波成賞匠人工錢一二與三文可憐眼裏無筋者當面定將數目分鼓山珪云袖頭打領無添減腋下刺襟有短長大庾嶺頭一尊佛踈山兩度放毫光徑山杲云鑿

壞十方常住地三錢使盡露屍骸羅山古佛雖靈驗未免將身一處埋雲巖因云一文兩文與三文踈山大嶺謾區分須知無縫元無價獨露乾坤聳白雲興化獎禪師僧問多子塔前共談何事師云一人傳虛萬人傳實

投子青云然諸佛不出世亦無有涅槃佛既是道亦如然是以從上諸聖密證此地所以燃燈不付正覺自成法既無傳至今續焰法既無得更復何談罔測稱揚虛談玄說然到此地者何必塔前相見對衆拈花截臂傳衣方為道矣既不如是因甚麼大庾嶺頭提不起復頌云於道無所證力通萬法路或明或暗行不慎亦不護月來松色寒雲去青山露今古天台橋幾人能得度

世尊令文殊詣維摩詰。問疾時，維摩詰心念：今文殊師利與大眾俱來，即以神力空其室內，除去所有及諸侍者，唯置一床，以疾而卧。文殊既入其舍，見其室空，無諸所有，獨寢一床。時維摩詰遂與文殊廣說法要，於是維摩詰現神通力，即時須彌登王遣三萬二千獅子之座，高廣嚴淨，入維摩詰室，諸菩薩大弟子、釋梵四天王等皆所未見。其室廣博，悉包容三萬二千獅子座，無所妨礙。於毗耶離城及閻浮提四天下，亦不迫迤，悉見如故。馮山祐禪師方丈頌云：馮山方丈峭峻難上，若人踏著氣如磬將。

雲峯悅云：作家宗師天然有，在僧間和尚作麼生因有。

頌示之云：翠巖方丈曾無遮障，衲子入來便見和尚僧。便禮拜起，師云：還見翠巖這箇老漢麼？僧擬議，師以拂子驀口搥。

石霜諸禪師在丈室中，坐有僧在明牕外，問云：咫尺之間，爲甚麼不覩師顏？師云：我道徧界不曾藏，僧後問雪峰徧界不曾藏，意旨如何？峯云：甚麼處不是石霜？僧回舉似師。師云：這老漢有甚麼死急。

玄沙云：山頭老漢蹉過也。洞山代云：笑殺土地。五祖戒云：著甚來由。琅邪覺云：雪峯雖有利人之心，且無出人之眼。石霜雖有出人之眼，未知向上一竅。法雲秀云：要見石霜麼？當嫌千口少，貪恨一身多。汾陽昭頌云：千疑萬慮扣禪關，徧界非藏豈小言。象骨。

繫方鞋未穿面不洗兮頭不裹

門戶

世尊一日見文殊在門外立乃云文殊文殊何不入門來
文殊云我不見一法在門外何以教我入門
玄覺徵云爲復是門外語門內語 鴻山詰代云吾不
如汝 性空云文殊雖善道理未免以方木逗圓孔
維摩會上三十二菩薩各說不二法門至文殊云我於一
切法無言無說無示無識離諸問答是爲菩薩入不二法
門文殊又問維摩維摩默然文殊嘆云乃至無有語言文
字是菩薩真入不二法門說是入不二法門時於此衆中
五千菩薩皆入不二法門得無生法忍 五門禪經云於一切法不生心不生法忍
保福展云文殊也似掩耳偷鈴力盡烏沉維摩一默未

還云

出化門又云大小維摩被文殊一坐直至如今起不得
琅瑯覺云文殊與麼讚善也是杓卜聽虛聲維摩默然
你等諸人切不得鑽龜打瓦 雪竇顯云維摩道甚麼
復云勘破了也 鴻山果云居士高門可謂壁立萬仞
水泄不通擬心即差動念即隔不擬不動落在無事界
中時人作麼生入良久云退後退後

雪竇頌云咄這維摩老悲生空懊惱卧疾毗耶離全身
太枯槁七佛祖師來一室且頻掃請問不二門當持便
靠倒不靠倒金毛獅子無處討 白雲端云一箇兩箇
白千萬箇指尋文數不辨暫時放在暗牕前明日與君
重計筭 天童覺云曼殊問疾老毗耶不二門開看
作家珉表粹中誰賞鑑忘前失後莫咨嗟區區抱璞兮楚

雷澤和爲吳
作生入言久
云退後

劉士
楚國个和
被折足彈

隋城新蛇
百五十五
樹
隋城新蛇
隋城新蛇
隋城新蛇
隋城新蛇
隋城新蛇

瘡於假也
不能言也

庭劉士璩璩珠兮隋城斷蛇休點破絕疵瑕俗氣渾
無却較些西禪需云言言言兮飄雨灑雪默默點兮
雷轟電掣藕絲孔裏騎大鵬等閑挨落天邊月
鴻山祐禪師在百丈時因司馬頭陀問野狐話作麼生會
師乃以手撼門扇三下陀云太龜生師云佛法不是這箇
道理

佛心才領云因果雙行孰共知茫茫四海路多岐擡頭
掇出初生月便如張公畫翠眉佛眼遠云春至自花
開朱顏安在哉可憐園裏色不入鏡中來佛燈珣云
盲人來與瘡人抓說著無因話病苗一下被他抓著後
平生痒處一時消抓便更也
鶴林素禪師因僧敲門師問是其麼人云是僧師云非但

是僧佛來亦不著云佛來為甚麼不著師云無汝止泊處
松源岳頌云十月清霜重臨風徹骨寒苦無棲泊處擺
手出長安

趙州在方丈內聞沙彌喝參乃向侍者云教伊去侍者纔
教去沙彌便珍重師向傍僧云沙彌得入門侍者在門外
雲居錫云甚麼處是沙彌得入門侍者在門外這裏會
得便見趙州

鼓山珪頌云得入門在門外說向人人不會更高聲我
耳背徑山杲云瑟瑟風松蕭蕭雨檜獅子咬人韓獪
逐塊

趙州僧問如何是趙州師云東門西門南門北門
雪竇顯頌云句裏呈機劈面來爍迦羅眼絕纖埃東西

四ノ下ノ
三ノ下ノ

南北門相對無限輪槍擊不開 羅漢南云豁達門開
入趙州東西南北任遨遊龍樓鳳閣依然在失却來時
好路頭 照覺總云四廓關閉鎮趙州幾於城下起戈
矛將軍戰馬今何在野草閑花滿地愁 普融平云袖
裏金鎚一擊開東西南北絕纖埃石橋南畔臺山路報
你遊人歸去來 圓通僊云四門開豁任來遊脚下分
明到地頭四五百條花柳巷一三千處管絃樓
良遂座主初來麻谷谷見來便將鋤頭去鋤草主到鋤草
處谷殊不顧便歸方丈閉却門主次日復去谷又閉門主
遂敲門谷乃問阿誰主云良遂纔稱名忽爾契悟乃云和
尚莫瞞良遂良遂若不來禮拜和尚泊合被十二部經論
賺過一生谷乃開門令通悟由遂印可之又歸講肆散席

雙放時節
逆順之機
時節之機

谷米遠
程工之
便之

海印信云
閉戶攜鋤理
最幽豁然大

告諸徒云諸人知處良遂總知良遂知處諸人不知
雲門云便有逆水之波如今得入是順水之意亦喚作
雙放時節又云麻谷問阿誰他道莫瞞某甲不是識破
麻谷相見時節若不禮拜和尚泊被經論賺過一生亦
知有賺人處又云作麼生是良遂知處
汾陽昭頌云逆順之機不易當大根良遂解思量若非
又積同風事爭肯回頭見法王 正覺逸云禪林深邃
乍遊盤鋤草關門豈易看莫謂老師渾不是得相瞞處
且相瞞 佛眼遠云平生心膽向人傾到此門中有幾
人別後都城舊知己暖煙斜日又黃昏 白雲端云閉
戶攜鋤已大賒更來當面受塗茶光中自覺遭瞞久方
信無人共出家 海印信云閉戶攜鋤理最幽豁然大

悟話元由從來學業空勞力始信黃河輓底流

雲蓋安禪師因僧問石霜萬戶俱閉時如何霜云堂中事
作麼生僧經半年方始道得云無人接得渠霜云道也太
煞道祇道得八九成師聞却禮請石霜爲道霜不道師乃
抱霜從方丈後去坐云和尚若不道須打和尚去霜云得
在師乃禮拜不住霜云無人接得渠師於言下有省

東禪齊云只如石霜意作麼生若道一般前來爲甚麼
不許伊若道別有道理又只重說一遍且道古人意作
麼生翠巖芝云先行不到末後太過徑山杲云一
對無孔鐵鎚就中一箇最重天童覺云穩密田地忌
墮功勲貼體衣裳會須脫却宗中辨的量外轉機須子
細始得同中之異酌然尚帶依稀異中之異直是難臻

妙極還到石霜父子轉側處麼燭曉玉人初破夢夜寒
青女未登機

投子青頌云古殿巖開月鎖松霜凝雪露韻無窮星前
人卧千峯室佛祖無因識得渠

雲居膺禪師僧問六戶不明時如何師云不涉緣云向上
事如何師云慎者不讓

投子青頌云春到石人視遠山鶯啼花木碧波閑須知
雲外巖松瑞千古迎風任歲寒

夾山會禪師僧問會趣即不問不會處請師一言師云戶
掛凋林影中辨取

丹霞淳頌云威音那畔不能行撒手還家懶問程寢殿
無人空寂寂蒲牕唯有月虛明

橋路并附

馬祖一禪師因鄧隱峯辭師師云甚處去云石頭去師云石頭路滑云竿木隨身逢場作戲便去纔到石頭遂繞禪床一匝振錫一下問是何宗旨頭云蒼天蒼天峯無對却面舉似師師云汝更去見他道蒼天蒼天汝便噓兩聲峯又失一依前問頭乃噓兩聲峯又無語歸舉似師師云向汝道石頭路滑

趙州諗禪師僧問又嚮趙州石橋到來祇見略約師云你祇見略約不見石橋云如何是石橋師云渡驢渡馬云如何是略約師云箇箇度人

雲居錫云趙州爲當扶石橋扶略約

智門祚頌云趙州石橋本無星水急遊魚不易停橋上

祇觀驢馬跡誰人敢向御街行 雪竇顯頌云孤危不

五道方高入海還須釣巨鰲堪笑同時漢溪老解云磬箭亦徒勞

趙州僧問如何是不錯路師云識心見性是不錯路

徑山杲云捧打石人頭曝々論實事不用作禪會不用

作道會若要不錯路須是識心見性始得且那箇是識

底心那箇是見底性有般底聞恁麼道便道有水皆含

月無山不帶雲恁麼見解正是鄭州出曹門

盤山積禪師示衆云向上一路千聖不傳學者勞形如猿

捉影

琅瑯覺云上來講讚無限良因 楊岐會云口上著

白雲端頌云盤山向上路何玄罕見行人耳有穿口上

噯少角切
忍毫
方得老分發

著來無咬處方知千聖不能傳
松源岳云千聖不傳
到今日口上著來無等四洞庭山脚太湖心行人路上
空啾唧

洞山价禪師僧問和尚尋常令學人行鳥道如何是鳥道
師云不逢一人云如何行師云直須足下無私去云祇如
鳥道莫便是本來面目師云閣黎爲甚麼却顛倒云甚麼
處是學人顛倒處師云若不顛倒爲甚麼却認奴作郎云
如何是本來面目師云不行鳥道

丹霞淳頌云古路條然倚太虛行玄猶是涉嶠迴不登
鳥道雖爲妙點檢將來已觸途

神山密禪師與洞山過獨木橋洞山先過了拈起木橋云
過來師云价閣黎洞山乃放下木橋

丹霞淳頌云平地無端鑿陷坑木橋拈起使人行沈沈
寒水如何渡月夜金雞報五更

乾峰僧問十方薄伽梵一路涅槃門未委路頭在甚麼處
師以拄杖劃云在這裏僧後請益雲門門拈起扇子云扇
子踔跳上三十三天築著帝釋鼻孔東海鯉魚打一棒兩
似盆傾會麼會麼

雪竇顯代僧喝曾有僧請益長慶慶云問取堂中第二
座雪竇代僧云錯尋有僧問雪竇竇云隨拈落漸又自
代云作賊人心虛黃龍南云乾峯一期指路曲爲初
機雲門乃通其變故使後人不倦大瀉秀云今古盡
道乾峯安居祖師之堂開後人之徑路殊不知乾峯老
漢被這僧一問直得手忙脚亂諸德且道諸訛在甚麼處

返
撞法也

良久云不在水兮不在山只在人心返覆間東林總
云有一古德道乾峯搖頭雲門擺尾這僧只是箇撞露
柱漢脚跟下透過也不知便謂東家點燈西家暗坐龍
啣海寶遊魚不顧山僧今日不可也隨波逐浪臨危悚
人殊不知大小乾峯雲門俱被這僧勘破且道甚麼處
是勘破處良久云多時雨水不及曬浪
佛心才頌云樓閣重重擊不開乾峯劃破露崔嵬十方
佛刹全彰處一一門中見善財天童覺云入手還將
死馬醫返魂香欲起君危一期抄出通身汗方信儂家
不惜眉鼓山珪云乾峯不用指陳雲門休打骨董自
然東海鯉魚築著帝釋鼻孔徑山杲云捨破雲門一
柄扇拗折乾峰一條杖二三千處管絃樓四五百條花

柳巷

鏡清越禪師僧問達者同遊一路行為甚麼不行師云已
到平頭

翠巖代云老兄還達也未首山念代云不爭先又云
到了不知又云但請先行

首山僧問如何是菩提路師云此去襄縣五里云向上事
如何師云來往不易

天投升青頌云間路窮途擬進程綠楊鶯語送行人牌標
五里向君說莫道當年不指陳

茶陵郁山主不曾行脚因廬山有化士至論及宗門中事
教今者僧問法燈百尺竿頭如何進步燈云啞九三年一
日乘驢度橋一踏橋板而墮忽然大悟遂有頌云我有神

珠一顆久被塵勞封鎖今朝塵盡光生照見山河萬朵因此更不遊方

茶和主病シホトケ

白雲端頌云白尺竿頭曾進步溪橋一踏沒山河從茲

不出茶川上吟嘯無非羅哩囉

羅ハ多磨理曲

天衣懷禪師云九天雲路早須尋莫遣蹉跎歲月深天地懸遠向甚麼處去

南堂靜頌云夏金烏似火當空掛最高峯掛在青雲罅

カレサナアリヤン

法昌遇禪師問石門皐云近離甚麼處云石門師云我聞

石門路險水池不通因甚到這裏云十里雙牌五里單堆

師云途中事作麼生云到處行松色時時聽水聲師云來

時水牯牛在甚麼處云自有人看師去鼻索甚麼在法

昌手裏皐云這老漢瞞却多少人隨後打一坐具師云三

雙牌南街
廣教
得餘

十年撈龍打鳳今日被鼠咬

雲頂禪師僧問昔日相和題柱未是作家今日橋成請師

下筆師云彩氣夜常動精靈日少逢云荆山有玉鑑在下

和師云洪州斬冬瓜滿江皆是血

下和云云

趙州論禪師在南泉時一日在井樓上打水見泉過乃抱

定柱懸一脚云相救相救泉遂於踏梯上打云一二三四

五師便下樓具威儀上方丈云適來謝和尚相救

佛鑑勸云一人將錯就錯一人看樓打壁然雖如是子

爲父隱直在其中

有樓樓方格云見凡仗帆

樓アリ

四禪禪師僧問古人有請不肯今請和尚入井還去也無

師云深深無別源飲者消諸渴

丹霞溥頌云曹溪源派古之今意識徒將度淺深好是

昔人遊戲，趣然雖入井，不曾沈。
六祖大師曰：僧問黃梅，意旨甚深，人得師云：會佛法人得云：智向還得不師云：我不會得云：和尚爲甚不？不得師云：我不會佛法。
禪林類聚卷第四

祖教

問法

汾陽昭代云：方知密旨難傳。翠巖芝云：會得二頭，不會得三首，作麼生道得出身之路？白雲端云：大眾還識祖師麼？徑山杲云：大眾還見祖師麼？若也不見徑山爲你指出蕉芭蕉芭有葉無了，忽然一陣狂風起，恰似東京大相國寺裏三十六院東廊下北角頭王和尚破袈裟畢竟如何歸堂喫茶。佛性泰云：破布裏真珠識者方如是。寶爛泥藏棘刺踏著方乃驚人。諸人還見祖師麼？倒騎白額虎突出衆人前。

亦
四句
病死

佛印元頌云：當日黃梅傳意旨，會佛法人如竹箴麟龍頭角盡成空。盧老無能較些子。
馬祖一禪師僧問：離四句絕百非，請師直指西來意。師云：我今日勞倦不能爲汝說。問取智藏。共僧乃問藏：藏云：何不問和尚云？和尚教來問藏云：我今日頭痛不能爲汝說。去問取海兄。僧遂問海海云：我到這裏却不會。僧舉似師。師云：藏頭白，海頭黑。

馮山詰云：這僧與麼問，馬師與麼答。離四句絕百非，智藏海兄卻不知會麼？不見道：馬駒踏殺天下人。五祖演云：馬大師無著慚惶處，以道得箇藏頭白，海頭黑。這僧將一檐朦朧換得箇不會，若也眼似流星，多少人失錢遭罪。佛眼遠云：大眾說白道黑，理甚分明，諸人還

騰
多
肥

湘君二女由
未及百歲
至一老一少
娥皇

見馬大師麼又立也太無端白文殊道云馬師言中有
響這僧眼裏無筋西堂百丈同坑無異土依樣畫葫蘆
只如馬大師道藏頭白海頭黑又作麼生片雲橫谷口
迷却幾人源
雪竇顯頌云藏頭白海頭黑明眼衲僧會不得馬駒踏
殺天下人臨濟未是白拈賊離四句絕百非天上人間
夫唯我知南華曷云四句百非皆杜絕陽春白雪唱彌
不高風清月皎無雲夜誰把吹毛換寶刀照覺總云百
非四句絕何言黑白分明定正偏獅子窟中無異獸驪
龍行處浪滔天佛鑑勸云湘靈二女神僊格笑倚朱
門香陌陌一抹胭脂透臉紅更加十分天真色圓覺
演云百非四句絕疎親馬駒踏殺天下人藏頭白兮海

頭黑門外金剛笑又喚
水潦禪師問馬祖如何是西來的的意祖乃當曾一踏踏
倒師忽契悟起來拊掌大笑云也大奇也大奇百千三昧
無量妙義只向一毛頭上便一時識得根源去遂乃作禮
而退小異燈

琅琊覺云大衆你道水潦還曾悟也未天童覺云馬
大師不合放過待伊起來恁麼道但問祇這一毫從甚
麼處得來待伊擬議更與一踏西禪需云大小水潦
喫人拳踢了却道他悟悟甚麼屎及乎起來更不識羞
猶道我向一毫頭上識得根源且莫捏目生花住山後
告衆云自從一喫馬師踏直至如今笑不休且道笑箇
甚麼塗毒策云諸方咸云瘡病不假驅馳藥風流不

捏目之目
星生

在著衣多殊不知水潦錯喫巴豆吐得許多惡毒方盡
若是禪全未夢見具眼者試甄別看

照覺總頌云水潦承機徹祖意馬駒一踏曉根源虛空
撲落無開地却向滄溟駕鐵船白雲端云一踏倒時
堪大笑從前伎倆盡徒勞蛇頭却要重指痒萬萬千千
出一毫曼古佛云海上追奔天馬駒偶來騰踏露全
軀百千妙義毫端現拊掌呵呵笑識渠野軒遵云馬
駒一踏驢兒倒地大笑起來羊鳴犬吠

趙州諗禪師僧問如何是祖師西來意師云庭前栢樹子
云和尚莫將境示人師云我不將境示人云如何是祖師
西來意師云庭前栢樹子
慈明圓頌云趙州庭前栢天下走禪客養子莫教大大

了作家賊浮山遠云庭前栢樹趙州道廬陵米價吉
陽敷三歲兒童皆念得八十翁翁會也無雲峯悅云
入門何必辨來機老倒禪和不自知栢樹庭前剛指示
番令平地針錐雪竇顯云七百甲子老禪和安貼
家邦若是他人問西來指庭栢却令天下動干戈黃
龍南云趙州有語庭前栢禪者相傳古到今摘葉尋枝
雖有解須知獨樹不成林天衣懷云趙州庭前栢三
冬枯地寒處處綠楊堪繫馬家家門首透長安翠巖
真云僧問西來意趙州栢樹子少悟出常情雨過山添翠
由湛堂準云庭前栢樹子少悟出常情雨過山添翠
雲收日月明堯率悅云趙州全不犯工夫覲面寧存
細與麤重疊示君君不見庭前栢樹本來無

趙州僧問如何是祖師西來意師云欄中失却牛或作龍雲慈雲圓照頌云欄中失却牛有問即有訓更若求玄妙

趙州僧問如何是祖師西來意師云板齒生毛

投子青頌云九年少室自虛淹乎似當頭一句傳板齒生毛猶可事石人踏破謝家船

靈樹敏禪師僧問如何是祖師西來意師默然後遷化欲

五行狀碑要選此語刻石時雲門為首座僧問先師默然

如何上碑雲門代云師

室中云

白雲端頌云師之一字太巍巍獨向寰中定是非必竟

水須朝海去到頭雲定覓山歸佛印元云靈樹當初

密對揚暗中文彩已全彰後人不見雲門老一字千般

敘利強敘
六字三三
三三三三

亂度量是古佛云師字相酬作者知韶陽千古特光

輝茫茫宇宙人無數到底誰明一字師寶峰明云西

來祖意若為酬手把明珠已暗投却被雲門添一字致

令千古開啾啾

龍牙道禪師僧問如何是祖師西來意師云待石烏龜解

語即向汝道云石烏龜解語也師云向汝道甚麼僧無對

保寧勇代云和尚也須忌口始得

投子青頌云石龜語語是誰聞無耳聾體夜聽深天曉

便藏無影樹太陽雖照不能尋

龍牙初參翠微師乃問云如何是祖師西來意翠微云與

我過禪板來師道與微微接得便打師去打則任打要且

無祖師意又參臨濟亦如是問濟云與我過蒲團來師過

師友五祖
我批判注
祖師山名
嗣而實
雲山孫

與濟濟接得便打師云打即任打要且無祖師意師後住
山有僧問和尚當年問二尊宿祖師意明也未師云明則
明已要且無祖師意參臨濟
五祖戒云祖師土宿臨頭又云和尚得與麼面長雪
實顯云臨濟翠微只解放不解取我當時若作龍牙待
伊索蒲團禪板拈得劈骨便擲翠巖芝云當初如是
今時衲僧皮下還有血麼大滄詰云翠微臨濟可謂
本分宗師龍牙一等是撥草瞻風與他後人為龜為鑑
又舉住山後僧問處乃云龍牙瞻前顧後應病與藥大
為則不然待問當時二尊宿明不明劈脊便棒非唯扶
豎翠微臨濟乃不幸他來問石門聰云龍牙無人挨
著猶可纔被箇衲子挨著失却一隻眼

子卿
藕武

雪竇顯頌云龍牙山裏龍無眼死水何曾振古風禪板
蒲團不能用只應分付與盧公盧公付了亦何憑坐倚
休將繼祖燈堪對暮雲歸未合遠山無限碧層層佛
性泰云子鄉不下單干拜始未常遵漢帝儀雪後乃知
松栢揀事難方見丈夫兒天童覺云蒲團禪板對龍
牙何事當機不作家未意成禪明月下恐將流落在天
涯虛空那掛劍星漢却浮槎不萌草解藏香象無底藍
能著活蛇今日江湖何障礙通方津渡有船車
龍牙問洞山如何是祖師西來意山云待洞水逆流即向
汝道師從此悟音

汾陽昭頌云龍牙未息任心地遍問諸師不肯休先達
慙他親志切直言洞水逆流須疏投子青云古源無水

月何生滿岸西流一派分葱嶺罷詢熊耳夢雪庭休話
少林春

三聖然禪師僧問如何是祖師西來意師云臭肉來蠅僧
舉似興化化云我即不與麼僧云如何是祖師西來意化
云破驢脊上足蒼蠅

正覺浼頌云水母有骨靈龜無殼瞎驢臭肉來於蠅佛
意祖意如山嶽白雲端云破蒼蠅多臭肉蠅誰知興
化不徒行慣從五鳳樓前過手握金銷賀太平黃蘗
勝云匝地風光無間違因何不信却生疑老婆爲君重
指出臭肉團上青蠅飛

投子大同禪師遇翠微於法堂上行便問西來意昔和尚
如何示人微顧視之小頃師云乞師垂示微云更要第二

杓惡水那師便禮拜微云莫墮却時至根苗自生或作夾山小異

本覺一頌云曾把西來問翠微經行駐步太慈悲當時
投子如能會惡水重將更潑誰

枝請師直指云春風一陣來滿地紅英落大衆作麼生
會且各自歸堂去

仰山湧禪師僧問曹溪意旨如何師云一鑊入寒空

投子青頌云重峯層仞掩寒空塔鏤深雲勢莫窮千古
松聲來有韻萬年溪水去無蹤

荷玉慧禪師僧問如何是西來的意師云不禮拜更待
何時

丹霞淳頌云虛堂寂寂夜深寒攜得瑤琴月下彈不是
知音徒側耳悲風流水豈相干

容山緣禪師僧問如何是祖師西來意師云半夜烏兒頭
戴雪天明啞子抱頭歸
丹霞淳頌云瑞霧祥煙鑲玉樓妙年王子恣優遊琉璃
殿上騎金馬明月堂前輓繡毬
雲門偃禪師僧問如何是祖師西來意師云日裏看山
智門祚頌云日裡看山也是常西來祖意謾商量金色
獅子希逢有多是狐狸喚作狼無爲子云日裏看山
滿眼青千巖萬壑闢縱橫洞門疑是雲遮斷到者須知
路坦平三祖宗云匡真不惜兩莖眉日裏看山對祖
機臘月火燒春又綠只且飛走會相依佛鑑勲云兩
餘江上兩三峯堆疊煙嵐不記重眼裏看來端的瞎耳
根聞處出天聰投子青云坦然曾問老師安爭以韶

陽一句傳日裏華山偃掌露夜深猿叫月當軒

雲門僧問如何是一代時教師云對一說

雪竇顯頌云對一說太孤絕無孔鐵鎚重下楔闍浮樹

下笑呵呵昨夜驪龍拗角折別別韶陽老人得一橛

五祖演云對一說卷盡五千四十八風花雪月任流傳

金剛腦後添生鐵佛性泰云對一說五教三乘盡該

攝龍宮涵藏任縱橫水底泥牛吞却月

洛浦安禪師僧問如何是祖師西來意師云青嵐覆處出

岫藏峯白月輝時碧潭無影

丹霞淳頌云群花未發梅先折萬木凋零栢轉奇雲淡

不彰飾月影煙輕那露引風枝

洛浦僧問如何是祖師西來意師以拂子擊繩床云會麼

師義
五十七年
遊學于

云不會師去天上忽雷驚宇宙井底蝦蟆不舉頭
洛浦僧問祖意教意是同是別師云日月並輪輝誰言別
有路云恁麼則顯晦殊途事非一揆師云但自不亡羊何
須泣岐路

丹霞淳頌云月篩松影高低樹日照池心上下天赫赫
炎空非卓牛團團秋夜不知圓

即大行受記之緣亦就矣厥後衆緣不備果如所記

梁山觀禪師僧問如何是祖師西來意師云莫亂道

投子青頌云國令嚴嚴擬者危毫釐纔動鐵輪隨心萌

口應三千里齒露言來苦怨誰

梁山僧問祖意教意是同是別師云金烏東土人皆貴玉
兔西沈佛祖迷

丹霞淳頌云靈山會上言雖普少室峯前句未形瑞草
蒙茸含月秀寒松蒼鬱出雲青

巴陵鑑禪師僧問祖意教意是同是別師云雞寒上樹鴨
寒下水

五祖演云大小巴陵只道得一半白雲即不然掬水月
在手弄花香滿衣松源岳云白雲盡力道只道得八
成有問靈隱只向他道人我無明一串穿

保寧勇頌云昨夜三更屈指輪世間休說兩三人數聲
羌笛離亭晚君向瀟湘我向秦投子青云同別相教
問端由便將元價與他酬絳綸夜靜人垂釣曉得金烏
帶月收湛堂準云雞寒上樹鴨寒下水時節不相饒
古今自然理寒松十里吼清風流水一溪聲未已

香林遠禪師僧問如何是祖師西來意師云坐久成勞
雪竇顯頌云一箇兩箇千萬箇脫却龍頭卸角馱左轉
右轉隨後來紫湖要打劉鐵磨 野軒遵云香林無雜
木一一旃檀野火忽然發清風大地寬祖意報爾曹
坐久自成勞

光孝鐵嘴覺禪師至法眼處眼問近離甚處師云趙州眼
云承聞趙州有栢樹子話是不師云無眼云往往皆謂僧
問如何是祖師西來意趙州云庭前栢樹子上座問得道
無師去先師實無此語和尚莫謗先師好眼云真獅子兒
白雲端頌云新羅鷄子刺天飛鈍鳥籬邊慊不去趙州
庭栢一何高誰道先師無此語 鴻山秀云僧問西來
栢樹酬何必斯言謗趙州令人長憶清涼老一句當年

謗
蓋
永
震

鷄
大
多
言
シ
カ
フ
カ
ハ
シ
ム

株
升
元
大
小
清
涼
老
未
會
先
師
此
語
無
大
洪
遂
云
趙
州
無
語
幾
人
知
江
北
江
南
見
者
稀
山
寺
桃
花
復
何
在
相
逢
空
愛
白
公
詩
佛
印
元
云
庭
前
栢
樹
子
趙
州
無
此
語
承
言
須
會
宗
勿
自
立
規
矩
真
淨
文
云
庭
前
栢
樹
子
趙
州
無
此
語
若
是
本
色
人
直
下
未
相
許
石
門
徹
禪
師
僧
問
如
何
是
三
乘
教
外
別
傳
一
句
師
云
東
村
王
老
夜
燒
錢

喚轉頭 正覺逸云日炎風吹瘦影孤趙州嘗指庭前

株昇元大小清涼老未會先師此語無 大洪遂云趙

州無此語若是本色人直下未相許

石門徹禪師僧問如何是三乘教外別傳一句師云東村
王老夜燒錢
洞山聰頌云東村王老夜燒錢草鞋踏地帽指大家無
白澤招禍福窮時相炒餓相煎 地藏恩云東村王老
夜燒錢眼中塵霧口中煙招神引鬼成妖恠三脚蝦蟇
飛上天 上方益云東村王老夜燒錢野鬼閑神滿目

前休更逢人覓玄旨謝家人不在漁船無爲子云三
乘教外別流傳瞻漢多知喚作禪天下衲僧參不到東
村王老夜燒錢

首山念禪師僧問如何是祖師西來意師云風吹日炎

汾陽昭頌云日炎風吹不計年行人塵路辨應難擬心
早已深三尺更教誰問箇中玄法華舉云風吹日炎
少人知頂仰先賢對此機饒君曠劫生前會穿耳胡僧
也皺眉翠巖真云日炎風吹問祖來紅塵且野眼難
擡忙忙役役知多少二月春深動地雷三祖宗云日
炎風吹也大奇根鏘足馬將家兒皇圖自古元無事撥
動煙塵更是誰雲溪恭云日炎風吹當路頭衲僧是
後莫遲留我今到此堪惆悵葉落花紅經幾秋

汾陽昭禪師僧問如何是祖師西來意師云青絹扇子足
風涼

白雲端頌云青絹扇子足風涼親得搖來始息狂只愛
團團無縫者人前空自眼如羊正覺逸云叢林傑出
鎮汾陽譽走名馳振八方人問西來祖師意解云扇子
足風涼上方益云汾陽青扇價難酬爲有涼風卒未
休不見鹽官多少衆競頭爭角覓犀牛慈受深云青
絹扇子足風涼日用何曾有覆藏堪笑塵中無限客手
遮西日汗如湯楚安方云親得搖來始息狂風動荷
花滿坐香自從一得真歸趣無意涼人人自涼
浮山遠禪師僧問如何是祖師西來意師云平地起骨堆
海印信頌云平地起骨堆三春震地雷只聞千萬去不

見一人回ハタラシ地藏恩云平地起骨堆金毛獅子吼誰知
 無味談塞斷衆人口ハタラシ投子青云嫩草疏斜徑山泉帶
 碧流ハタラシ文曾要渭水烈士耻莊周ハタラシ天寧璉云大朴未分
 時混然成一片ハタラシ明暗不曾彰已過新羅箭ハタラシ
 南臺勤ハタラシ禪師僧問如何是祖師西來意師云一寸龜毛重
 七斤ハタラシ

投子青頌云等閑不語未逢人語便傷直似太親不顧
 火中鸞鳳息驚他石虎暗生瞋ハタラシ

鐘山章禪師僧問如何是祖師西來意師云不東不西
 保寧勇頌云西來祖意不東西猿鳥春深抱樹啼多少
 行人空悵望青山孤聳白雲低ハタラシ

三祖宗禪師僧問祖意西來願垂開示師云泥牛吞巨浪ハタラシ

云中下之機如何體究師云木馬踐紅塵云恁麼則法輪
 再轉祖道重光師云土上加泥ハタラシ

問法

清原思禪師僧問如何是佛法大意師云廬陵米作麼價
 汾陽昭頌云出家學道未心開請問宗師大意來却問
 廬陵米幾價當時心境一齋灰ハタラシ黃龍南云廬陵米價
 逐年新道聽虛傳未必真大意不須歧路問高低宜見
 本來人ハタラシ法昌遇云烏龜三眼赤祥麟一角尖騰雲生
 暮雨溪月夜明簾ハタラシ高庵悟云老清原沒縫罅問佛法
 酬米價衲僧一粒若沾唇拄杖橫檐繞天下ハタラシ天童覺
 云太平治業無象野老家風至薄以官村歌社舞那知
 舜德堯仁ハタラシ

佛祖大事目
錄
初信
後三
文綿
玄義
旨

無著禪師因往五臺禮文殊文殊問近離甚處師云南方殊云南方佛法如何住持師云未法比丘少奉戒律殊云多少衆師云或三百或五百師却問此間佛法如何住持殊云龍蛇混雜九聖同居師云多少衆殊云前三三後三三師退乃問童子適來大聖道前三三後二三是多少童子云大德師應諾子云是多少要本多少下童子云汾陽昭代云識得你翠巖芝云文殊道前三三後三三作麼生會要會麼千年無影樹今時沒底靴經山果云徑山當時若見即向他道和尚如此住持極是不易

雪竇顯頌云千峯盤屈色如藍誰謂文殊是對談甚笑清涼多少衆前三三與後三三正覺逸云前後三三

若千
後三
文綿
玄義
旨

問若干應機召發轉顛預如今大有如斯者負鉢腰囊到處搏佛印元云堪笑前三與後三當時相對語喃喃却因無著分明見從此清涼沒可參照覺總云聖者由來不可陪相逢相問豈安排三三前後輝今古一句無私振九垓雲溪恭云文殊前後答三三獨泛輕舟過海南洪浪波心看水勢一輪明月印寒潭地藏恩云前三三與後三三算數等量卒未諳芳草凄凄煙景裏鷓鴣啼處是江南

臨濟玄禪師因定上座問如何是佛法大意師下禪床擒住打一掌便托開定佇立傍僧云定上座何不禮拜定纔作禮忽然大悟

雪竇顯頌云斷際全機繼後蹤持來何必在從容巨靈

擡手無多子分破華山千萬重 南華曷云一棒一條
痕一搥一掌血若無般若靈根到此如何打發 佛鑑
勲云掣電之機過趙州爲人須到結窮頭掌中擎出香
山子直上高高十二樓 天童覺云不墮前後獨超古
今喚回千歲夢飛出九臯會直下一棰光迸散斬新彈
子出爐金

趙州諗禪師僧問萬法歸一一歸何處師云我在青州作
一領布衫重七斤

圓悟勤云摩醯三眼一句洞明似海朝宗千途合轍雖
然如是更有一著在忽有人問蔣山萬法歸一一歸何
處只向他道饑來喫飯困來眠 佛眼遠云大衆至音
絕韻妙曲非聲通身不掛寸絲赤體全無忌諱諸人切

莫拈飽飯指直須截斷舌頭放下身心自然快活眼若
不睡諸夢自除心若不異復名何物快活快活歸堂喫
茶

雪竇顯頌云編辟曾挨老古錐七斤衫重幾人知而今
拋向西湖裏下載清風付與誰 白雲端云七斤衫重
豈難提日出東方定落日一擊珊瑚枝粉碎轟轟雷雨
滿山溪 保寧勇云獨坐獨行真竭斗無規無矩老禪
和四方八面難拘檢天下誰能奈你何 文殊道云趙
老布衫重七斤問處分明答處親大地山河都蓋却誰
是當機裁剪刀人 普融平云七斤衫重絕纖埃妙手何
人解剪裁堪笑東村王大姐滿身風雨入門來
趙州僧問方外忽有人問和尚說甚麼法如何祇對師云

會三

物

カニ

但

母

鹽貴米賤

西禪需頌云鹽貴米賤諸事成現擬欲商量腦後拔箭
洛浦安禪師僧問如何是佛法大意師云雪覆孤峯峯不
白雨滴石筍筍須生

丹霞淳頌云海底龍吟雲雨潤林中虎嘯谷風清莫言
滿路生荆棘况是貧家少送迎

長慶稜禪師問靈雲如何是佛法大意雲云驢事未了馬
事到來

汾陽昭頌云靈雲因問出家才驢使前行馬使來長慶
不明真實地句中認影影難開予今報你諸禪侶九衢
果日照香街保寧勇云東行不見西行利南頭買賤
北賣貴橫千豎百算河沙九九翻成八十二外佛鑑懃

買賤賣貴

禮部韻

原八本

該天作原頌
亦原本亦
作原亦廣
平野之原
標了之千

云驢事未了馬事來鐘聲未了鼓聲催春來縱步林間

看無限桃花夾李開無爲子云驢事未了馬事來一

花欲謝一花開安南已得煙塵息塞北將軍唱凱面

鼎州文殊禪師僧問萬法歸一一歸何處師云黃河九曲

投子青頌云問法窮因歸何處黃河透過碧波瀾須知

雲外千峯上別有靈松帶露寒西禪需云路窮崖斷

進無門賴有山翁指去原九曲黃河清徹底誰知別是

一乾坤木庵云九曲那容駐眼看操卽誰解別波瀾

文殊曾展回天手直得朝宗萬派乾

首山念禪師僧問如何是佛法大意師云楚王城畔汝水

東流其僧於此悟入

佛慧泉頌云楚王城畔水東流逐浪隨波早晚休唯有

謝郎生計シヨウモト在夜深シヨウモト明月上孤舟モリス

謝郎シヨウ生計モト在夜深シヨウモト明月上孤舟モリス

謝郎シヨウ生計モト在夜深シヨウモト明月上孤舟モリス

謝郎生計在夜深明月上孤舟 三祖宗云楚國城邊
水去東發船便被打頭風蘆花響裏聽漁唱戩斗煎茶
銚不同 雲溪茶云楚土城畔水東流日夜波濤去不
休巖下忽逢湘水客謂言依舊注悠悠 鴻山秀云楚
王城畔水東流今古朝宗是到頭逐浪隨波如未息輸
他漁父泛孤舟 普融平云千波萬波曾無盡去槳來
帆浩莫窮謝客睡惺孤月白閑吹一笛渡頭風
慈明圓禪師僧問如何是佛法大意師云洞庭湖水浪滔
天

翠巖真領云水出高原上風翻浪作銀絲毫聊一頌夢
裏說書紳シヨウ水庵ミヅアツ一云洞庭湖水君爲窮南北東西浩
浩風鸞鳳翱翔シヨウ非鸞雀野田深處謾尋蹤

禪林類聚卷第五

說法

禪定

落道

大道

說法

世尊一日陞座大衆集定文殊白槌云諦觀法王法法王
法如是世尊便下座

芭蕉徹云忙忙者匝地普天 松源岳豎起拂子云世
尊三昧文殊三昧總在拂子頭上諸人還見麼卧龍纔
奮迅丹鳳便翱翔

明招謙頌云聲振大千龍虎伏無人解和法王才言下
便明猶是鈍頭教千眼一時開 智門祚云文殊白槌
報衆知法王法令合如斯會中若有僊隱客不待眉間

傳客同相ツクモト

毫相輝 雪竇顯云列聖叢中作者知法王法令不如
斯會中若有僊陀客何必文殊下一槌 海印信云未
兆之前早二三白槌之後更那堪當時若有僊陀客不
到如今疆指南 地藏恩云諦觀法王法法王法如是
玉輪影射珊瑚枝一陣清風動天地 南華曷云瞿曇
按指文殊據令漏泄天機一槌打正 天童覺云一段
真風見也麼綿綿化母理機梭織成古錦含春像無柰
東君漏泄何 楚安方云金槌影動寶劍光寒八萬之
衆齊著眼者

瞿曇八萬九千九百九十九人

馬祖一禪師一日陞堂百丈出卷却蓆師下座便歸方丈
次問百丈我適來上堂未曾說話你爲甚便卷却蓆子丈
云昨日被和尚扭得鼻頭痛師云爾昨日向甚處留心丈

云今日鼻頭又不痛也師云你深知今日事百丈乃作禮
而退

廣
小
異

雪竇顯云諸方皆謂奇特涅槃舉還當麼若當譬如水
母以蝦爲目若不當又空讚歎圖箇甚麼衆中一般漢
亂踏向前問古人意旨如何更有老底不識好惡到云
將謂僊陀客又云來日更到座前苦哉苦哉如此自稱
宗匠欲開人天眼自驢年去諸上座雪竇當時若見伊
出來卷蓆劈臂與一踏令坐者倒着俱起不得且更後
人別有生涯去鬼見互相鉅置豈不箇箇英靈底漢還
會也無歸堂 白雲端出馬祖語云我鈍置猶可你鈍
置太煞

汾陽昭頌云百丈當時侍馬師對師卷蓆更無私人天

不測爲奇特恰是攢鴉捉鳳兒土土警然全體現太陽
出照嶽峰低泉大道云陞堂馬祖卷席百丈得人半
片還他八兩直饒縫罽全無未免傍觀拊掌白雲端
云昨日東風偶然惡桃花亂落如紅雨昨夜東風又發
狂滿地不知何處去上方益云夜深認得歸時路不
待天明便出開三尺鎖鄒橫在手至今坐斷大雄山
佛鑑勸云潮來潮子上潮頭手把紅旗逆水流忽被猛
風吹退浪此時伎倆一時休
藥山儼禪師久不陞堂一日院主請云大衆久思和尚示
誨師云打鐘著主聲鐘衆集師便歸方丈主隨後云和尚
既許爲衆說法爲甚一言不施師云經有經師論有論師
又爭恠得老僧

雪竇顯云可惜藥山老漢平地上喫撲盡大地人扶不
起琅瑯覺云藥山下座不妨疑著及乎院主拶著失
却一雙眼翠巖芝云藥山下座院主當初恠不爲說
話可謂誤他三軍五祖演云雖然以已妨人爭柰賊
身已露諸人要識藥山麼閑持經卷倚松立笑問客從
何處來

天童覺頌云癡兒刻意止啼錢良駒追風額影鞭雲掃
長空巢月鶴寒清入骨不成眠野軒蓮云藥山老應
病藥請上堂槌鐘著一九不再愈顛狂辜負金僊換骨
方慈受深云明珠一顆價難酬不是知音便暗投翻
笑藥山空費力水清魚現不吞鉤
趙州諗禪師一日在東司上見文遠過遂喚云文遠遠應

諾師云東司上不可與你說佛法

鼓山珙頌云老僧正在東司上不將佛法爲人說一般屎臭旃檀香父子之機俱漏泄徑山杲云趙州有客語文遠不覆藏演出大藏教功德實難量

投子大同禪師僧問三身中那身說法師乃彈指

投子青頌云三身說法問端由彈指輕輕海嶽收金鎖塔開紅日像夜深人笑碧峯頭

洞山价禪師僧問三身中阿那身說法師云吾常於此切僧後問曹山洞山道吾常於此切意旨如何曹山云要頭便斫將去又問雪峯峰以拄杖劈口打云我也曾到洞山來

承天宗云一轉語海晏河清一轉語風高月冷一轉語

騎賊馬趕賊試請辨看忽有箇衲僧出來道總不恁麼也許他具一隻眼

保寧勇頌云此切堪傷向外求至親何故似然離始終滿面無慚色更有曹山乞你頭天童覺云不入世未猶緣切盡空處有家傳白蘋風細秋江暮古岸船歸一帶煙

夾山會禪師示衆云目前無法意在目前不是目前法非耳目之所到

雪竇顯拈起拄杖云夾山老甚處去也何不出來百草頭與大衆相見又卓地一下云在這裏後云咄者野狐精縮頭去便下座天童覺云夾山老子解開布袋將差珍異寶撒向諸人面前了也正當恁麼時却作麼生

閑打關

路不拾遺君子稱美

鼓山珪頌云年來萬事總成魔老去閑添白髮多道泰
不傳天子令時清休唱太平歌徑山杲云癡人面前
休說夢生鐵圍上須尋縫明明說與却作聾只管外邊
閑打關

仰山寂禪師嘗云夢見往彌勒所五百聖堂安第二座有
一尊者白槌云今當第二座說法山僧乃起白槌云摩訶
演法離四句絕百非諦聽諦聽其五百聖眾各自散去
大鴻秀云仰山依文解義即不無忽然彌勒會中有箇
作者纔見伊道摩訶演法便云合取兩片皮非唯止絕
仰山寐語亦免使後人夢中說夢琅瑯覺云且道五
百聖眾散去是肯他仰山是不肯他仰山若肯他仰山

擁抱

又辜負仰山若不肯仰山猶如平地上喫交山僧今日
不惜兩莖眉毛與諸人註破摩訶演法離四句絕百非
你若舉似諸方諸方若與麼會入地獄如箭射
天童覺頌云夢中擁衲叅耆舊列聖森森坐其右當仁
不讓捷釋鳴說法無畏獅子吼心安如海膽量如斗蛟
月淚流蚌腸珠剖謔語誰知泄我機虎肩應笑揚家醜
離四句絕百非馬師父子病休醫

汾陽昭禪師示眾云夫說法者須具十智同真若不具十
智同真邪正不辨縑素不分不能與人夫為眼目決斷是
非如鳥飛空而翼折如箭射的而斷弦弦斷故射的不中
翼折故空不可飛弦壯翼半空的俱微作麼生是十智同
真與諸上座點出一同一質二同大事三總同叅四同真

一智之義
見ル

智五同徧普六同具足七同得失八同生殺九同音吼十
同得入又與甚麼人同得入與誰同音吼作麼生同生殺
甚物同得失阿那箇同具足是甚麼同徧普何人同真智
孰能總同衆那箇同大事何物同一質莫有無得出底麼
點得出底不恡慈悲點不出底未有參學眼在切須辨取
要識是非面目見在○源鑑親補帝室及花鑑之原大義卷一八月
徑山果云汾陽求後若無箇面目見在一場敗闕雖然
如是發我兒孫乃喝一喝復頌云免角龜毛眼裏掛鐵
山當面勢崔嵬東西南北無門入曠劫無明當下灰
覺範洪頌云十智同真面目全於中○金剛經疏卷之三一智是根源若人
要識汾陽老壁破三文作兩邊○本智本或庵云陽春白雪人
難和藻鑑冰壺豈易觀一把柳絲收不得和風搭在玉

鏡之柳條云云凡此皆是入息之入人極之徐仲雅寫詩三四

此一智之義

闌干 鼓山珪云十年湖海竟冤讎不得冤讎未肯休
芍藥花開菩薩面櫻攔葉散夜叉頭 正堂辯云盡得
真如活花間試展開黃鶯偷眼覷不敢下枝來

禪定

ハリ大無碍の心
ハリ大無碍の心

世尊因普眼菩薩欲見普賢不能得見乃至三度入定徧
觀三千大千世界覓普賢不能得見而來白佛佛云汝但
於靜三昧中起一念便見普賢普眼於是纔起一念便見
普賢向空中乘六牙白象

翠巖芝云諸仁者作麼生會普眼推倒世尊世尊推倒
普眼你且道普賢在甚麼處或作雲居

佛海遠頌云飄飄一鴈落寒空步步追空覓鴈蹤踏破
草鞋跟子斷巍然獨坐大雄峰

飄ハミカ
ハミカ
ハミカ

池陽市泉振
市泉振外人
大ヤツスカワク
燃ヒカリ ココヲ
燃ヒルシ
燃ヒルシ
燃ヒルシ

風若遇上乘同道者。請續此草堂清云堪笑池陽老
古錮僧來面壁擬何爲。大都端正人男女清淨不勞紅
粉施。普融平云魯祖山前古路通。熙微一徑沒西東。

普融平云魯祖山前古路通
熙微一徑沒西東

熈微一徑沒西東

杜鵑聲裏春光老
零落桃花藉地紅

藥山儼禪師初參石頭和尚。一日坐次。頭問作甚麼。師云。一物不爲頭。云。恁麼。即閑坐也。師云。若閑坐。即爲也。頭云。汝道不爲爲箇甚麼。師云。千聖亦不識。頭乃作頌讚云。從來共住不知名。任運相將只麼行。自古上賢猶不識。造次九流豈可明。

金匱要略 三才圖會 生之賦 依生之令 七十者

五祖戒云藥山夢中說夢兩重重

丹霞淳頌云玄微及盡本條然若謂渠閑萬八千月印
澄江魚不見釣人何必更拋筇五祖演云任運不知
名輕輕著眼聽水上青青綠元來是浮萍圓悟勤云
擺撥佛祖縛曠然繩墨外一物亦不爲縱橫得自在古
鑑臨臺明辨去來金鎚影動鐵樹花開任運相將不可

陪法雲隨處作風雷 隱靜微云石頭打草要蛇驚密
護玄機絕彙情迅句追風須辨的報云千聖不知名
栢巖禪師僧問如何是禪師云古塚不為家
丹霞淳頌云故國清平久有年白頭猶自戀生緣牧童
却解忘功業懶放牛兒不把鞭

悟道

世尊於雪嶺六載修行明星現時忽然大悟
卅尊在日有一鈍根比丘無多聞性全誦若篇二字日夕
誦之誦若忘篇誦篇忘若每自勉責不休一日忽然誦若
篇二字則大悟
四祖信大師為沙彌時禮三祖問云願和尚慈悲乞與解
脫法門祖云誰縛汝師云無人縛祖云何更求解脫乎師

十二箇中五十二片

於言下大悟服勤九載乃付衣法住蘄州破頭山學徒雲
集攝心不寐脇不至席一日告衆云吾武德中將廬山望
破頭山見紫氣如蓋下有白氣橫分六道汝等會不衆默
然弘忍云莫是和尚他後橫出一枝佛法不師云善唐太
宗響師道三詔不起就賜紫服

木庵永云看他祖師為人抽釘拔楔解黏去縛渾不傷
鋒犯手可謂獅子一滴乳迸散十斛驢乳汝等切不可
妄生情計種種解會驀然脚跟尋著不知落處一劍當
頭直教成未
無為子頌云慈雲之塔大醫之師瞻之仰之雙峰巍巍
懶融不得西天鉢直付黃梅路上兒 草堂清云道出
乾坤動至尊飛書三詔不離雲求人的嗣周家子遙望

氣カミ
ヨリ

絶
ル
カ
ミ
ヨ
リ
逆
旅
記
旅

牛頭紫氣氣 旻古佛云無縛無釋脇不至席分明一
貫兩箇伍伯 佛國白云鳥外逢師解縛歸雙峯山下
獨幽奇却將衣鉢爲人事乞與黃梅箇小兒 覺範洪
云絕知名迹能妨道正恐師承亦累人問法沙彌莫饒
舌百年逆旅要同塵 雲巖因云牛頭未生梅子熟也
散步人間池成月下鳳書三到懶開眸白蓮峯頂光相
射
盤山積禪師初參馬祖作街坊一日出門見人昇喪謂郎
振鈴云紅輪決定況西去未委魂靈往何方幕下孝子哭
聲哀哀師忽身心踴躍省悟歸舉似馬祖祖印可之
文殊道頌云歌聲繚繞哭聲悲笑殺盤山老古錐歷劫
無明昏暗處一時頓覺發光輝 夢庵信云哀哀相應

便承當畢竟何嘗往別方踴躍自然全體露始知徧界
不曾藏 佛燈珣云紅輪決定沈西去未委魂靈往那
方踏著故鄉田地穩本來面目是親娘人只在不曾亡
率隨天上非人世須知別有好思量

盤山嘗於市肆行見一客人買猪肉語屠家云精底割一
斤來屠家放下刀叉手云長史那箇是不精底師於言下
大悟

南華曷頌云箇事分明不覆藏頭頭物物自相當千言
萬語無人會又逐流鶯過短牆

五洩默禪師到石頭處云一言相契即住不契即去頭據
坐師便行頭隨後召云閣梨閣梨師回首頭云從生至死
祇是這箇迴頭轉腦作麼師忽然契悟乃拗折拄杖

洞山云當時不是五洩先師大難承當然雖如是猶涉途在長慶云險翠巖芝云石頭據坐五洩便去石頭召他却成多事雲峯悅云大小石頭坐不定把不住似這般檐板漢放去便休又喚回被他塗糊一上道我向這裏有箇悟處驢年夢見佛眼遠頌云在途在舍若為酬莫把先師一例求雄雄宇宙如王者未免半邊無體體枯木成云欲去高聲喚得回當時心眼一齊開要知不假修持力生死悠悠任往來

香巖閑禪師在瀉山時瀉山知其法器欲激發智光謂云吾不問汝平生學解及經卷冊子上記得者汝未出胞胎未辨東西時本分事試道一句來吾要記汝師懽然無對

（口占）

沈吟久之進數語陳其所解山皆不許師云却請和尚為說山云吾說得是吾之見解於汝眼目何有益乎師遂徧檢所集諸方語句無一言可將酬對乃自歎云畫餅不可充饑於是盡焚之云此生不學佛法也且作箇長行粥飯僧免役心神遂辭去抵南陽觀忠國師遺跡遂止焉一日因芟除草木以瓦礫擊竹作聲俄失笑間廓然惺悟遽歸沐浴焚香遙禮瀉山云和尚大悲恩逾父母當時若為我說却何有今日事也仍述偈云一擊忘所知更不假修治動容揚古路不墮悄然機處處無蹤迹聲色外威儀諸方達道者咸言上上機

雪竇宗頌云粥飯隨時養病軀本無迷悟可關渠無端擊著庵前竹直至如今在半途

樓子禪師因從街市中過經酒樓下偶整襪帶少住聞樓上人唱曲云你既無心我便休忽然大悟從此號樓子出長慶囀禪師註楞嚴經說文

慈受深頌云唱歌樓上語風流你既無心我也休打著奴奴心裏事平生恩愛冷啾啾寶峰明云你既無心我亦休此身無喜亦無憂飢來喫飯困來睡花落從教逐水流佛慈鑑云你若無心我也休鴛鴦帳裡懶擡頭家童爲問深深意笑指紗牕月正秋

米胡禪師令僧問仰山今時人還假悟不山云悟即不無爭奈落在第一頭何師聞旨之

投子青云然仰山與麼道即得還免得自己落麼若免得更有一人大不肯在若免不得亦落第二頭米胡雖

第小兒細
極大指

然肯他自己還有求身之路也無諸人試點檢者若點檢得出附人瓦解冰消若點檢不出且莫造次應庵華云米胡提本分鉗鎚仰山展劍刃上事一老於唱教門中足可稱尊若向衲僧門下總是契棒底漢投子青頌云碧岫峯頭借問人指山窮處未安身雖然免得重陽令爭似靈苗不犯春天童覺云第三頭分悟破迷快須撒手捨筌筴功兮未盡成胖拙智也難知覺噬臍兔老冰盤秋露泣鳥寒玉樹曉風淒持來大仰辨真假痕玷渾無貴白珪佛眼遠云悟人千箇道無愛肯信遭他第一頭寂寞山花寒食後夕陽西去水東流洞山价禪師先在雲巖問無情說法後辭去師猶凝疑因

過水觀影
過水觀影
過水觀影

過水觀影大悟前旨作偈云切忌從他覓迢迢與我踈我
今獨自往處處得逢渠渠今正是我我今不是渠應須恁
麼會方得契如如
本覺一頌云動靜由來本與俱回頭驀面似逢渠直饒
與麼猶堪笑喚作如如又却迂
雪峯存禪師同巖頭欽山到鰲山店上夜坐禪次頭云何
不睡去如村裏土地相似他時後日魔魅人家男女去在
師以手指脅云我這裏未穩在頭云我將謂你他後向孤
峰頂上盤結草庵播揚大教猶作這話在師云其中不敢
自謾頭云若實如此據你見處一一通來是處與你證明
不是處與你剗却師云我初到鹽官見上堂舉色空義得
箇入處頭云此去三十年切忌舉著師云又因洞山頌本

鰲山成道
鰲山成道
鰲山成道

切忌隨他覓迢迢與我踈頭云若恁麼自救也未徹師云
後問德山從上宗乘中事學人還有分也無德山打一棒
云道甚麼此時如桶底脫相似頭喝云你不聞從門入者
不是家珍師云如何即是頭云他後若欲播揚大教一一
從自己曾襟流出將來與我蓋天蓋地師於言下大悟連
聲云師兄今日始是鰲山成道師兄今日始是鰲山成道
教忠光云只如巖頭道一一從自己曾襟流出且道雪
峰前三次悟還從自己曾襟流出也無若從自己曾襟
流出又道未穩在若不從自己曾襟流出又從甚麼處
得來莫有斷得出者麼若斷得出不唯雪峯鰲山成道
盡大地有情齊成正覺若斷不出說甚麼鰲山成道直
饒少室傳心也未夢見在

始末始末
蘭手踐提河
示始末

新
凌
新

佛眼遠頌云：鰲山成道足人傳，莫是從前話未圓。賴有玄沙知始末，徧身紅爛在漁船。枯木成云：說盡平生去住因，到頭難遇赤心人。忽然自肯成家業，瓦礫拈來也是珍。佛燈珣云：丈夫凌勵志英雄，向外馳求枉用功。到得鰲山開眼處，方知屋裏用無窮。大禪佛通禪師在歸宗，常禪師會下忽一夜叫云：我大悟也。眾駭之。次日歸宗上堂集眾問：昨夜大悟者出來。師出云：某甲宗云汝見箇甚麼道理。言大悟。師云：師姑元是女人，作宗默而異之。

汾陽昭頌云：悟來不在苦多端，解了都由警爾聞。定道師姑女人作，癡人積雪作銀山。保寧勇去半夜高聲似少神，箇中明白有疎親。如今隨例傳其響，也道師姑

淡
ソ
ソ
ソ

是女人。大洪遂云：悟了還同未悟時，何須更說與。不知賊賊敗露無藏處，便道師姑是女兒。草堂清云：五月炎威當酷熱，淡背汗流無處說。匝地清風劈面來，大禪眼裏重添屑。黃龍震云：童子學順朱赤處，背橫果若將白紙來一點下，不得若下得翻成紙上塗煙墨。

嚴陽尊者初參趙州，問：一物不將來時如何。州云：放下著。師云：一物不將來放下箇甚麼。州云：與麼則擔取去。師於言下大悟。後住山，有一蛇一虎就手而食。黃龍南頌云：一物不將來肩頭擔不起，言下忽知非心中無限喜。惡毒既忘懷，蛇虎爲知己。清風幾百年至今猶未已。真淨文云：移高就下，縱威權解脫門。開信可憐，不得空王真妙訣。動隨聲色被勾牽。佛眼遠云：盡

力放不下著力擔不起將謂一物無元是自家底見得
自家底心中大歡喜自茲家業興一舉九萬里 晏古
佛云一物不將來教渠放下若爾爾悟無生活計俱拋
却 天童覺云不妨行細輸先手自覺心龜愧撞頭骨
破腰間斧柯爛洗清凡骨共僊遊
羅山閑禪師初謁石霜問起滅不停時如何霜云直須寒
灰枯木去一念萬年去函蓋乾坤去絕清絕點去師不契
復謁巖頭理前問頭喝云是誰起滅師於此大悟
天童覺頌云斫斷老葛藤打破狐狸窟豹披霧而變皮
龍乘雷而換骨咄起滅紛紛是何物
法眼益禪師同修璉二禪師經過地藏琛禪師處阻雪少
憩琛問此行何之師云行脚去琛云作麼生是行脚事師

云不知藏云不知最親切師又同三人舉肇論至天地與
我同根處琛云山河大地與你自已是同是別師云同琛
豎兩指熟視云兩箇即便起去師須臾啓行琛門送之問
云上座尋常說三界惟心萬法唯識乃指庭下片石云且
道此石在心內在心外師云在心內琛云行脚人著甚來
由安片石在心頭耶師窘無以對即求決擇近一月餘日
呈見解說道理琛云佛法不恁麼師云某甲詞窮理絕也
琛云若論佛法一切見成師於言下大悟
天童覺頌云而今飽參似當時脫盡廉纖到不知任短
任長休剪綴隨高隨下自平持家門豐儉臨時用因地
優游信步移三十年前行脚事分明辜負一雙眉
護國澄禪師同演化大師在湖南報慈值慈陞堂次演化

出問如何是真如佛性慈云誰無化不契遂請益師師云
汝但問來化理前問師云誰有化於言下契悟乃云首座
或在眾或住持其中誓終身相助後化亦繼師住護國

佛性泰頌云朝三暮四一何少暮四朝三何太多多少
未能知數量有無從此見教訛不教訛噉噉噉噉噉

婆訶

大道

南泉願禪師因趙州問如何是道師云平常心是道州云
還假趣向不師云擬向即乖州云不擬又爭知是道師云
道不屬知不屬不知知是妄覺不知是無記若真達不疑
之道猶如太虛廓然蕩豁豈可疆是非耶州於言下頓悟
玄旨

松源岳云青六白日悟箇甚麼咄咄咄珠擊碎筆龍

竈開窗門春有百花秋有月夏有涼風冬有雪

雲峯悅頌云平常心是道舉步入荒草翻嗟王老師到

底不能曉玉兔金烏任飛走佛鑑勸云欲識平常道

天真任自然行船宜舉棹走馬即加鞭若遇飢來飯還

應困即眠盡從緣所得所得亦非緣所得亦非緣當人

自了然雨中看皓月火裏汲清泉直立頭插地橫眠脚

指天應須與麼會方契祖師禪徑山杲云勸君不用

苦勞神喚作平常轉不親冷淡全然沒滋味一回舉著

一回新鼓山珪云若謂平常心是道枝蔓向上更生

枝貼肉汗衫如脫了喚來眼上更安眉

藥山儼禪師僧問如何是道中至寶師云莫謫曲云不謫

曲時如何師云傾國莫換

言義傾國莫換換十五城謂趙壁也

趙州諗禪師因南泉示眾云道非物外物外非道師乃問如何是物外道泉便打師捉住棒云已後莫錯打人去在泉云龍蛇易辨衲子難瞞擲下拄杖便歸方丈

雪竇顯云趙州如龍無角似蛇有足當時不管盡法無民直須喫棒了趁出琅琊覺云不見道酒逢知己飲

詩向會人吟老衲證云南泉垂釣四海只釣獍龍格外玄談爲尋知己趙州慣行機道飽歷邊庭不施寸刃

海晏何清然雖如是且道二老相見還有優劣也無良久云若不登樓望焉知滄海深

保寧勇頌云輓纒藏鋒入陣來畫時擒下眼瞠開死生一決英雄士文武雙行將相才

南堂靜云龍蛇能易

畫時一兩松
頂軍時以鋒
面外畫地
降參多矣
況定之
サス又

辨衲子最難瞞性淨秋空闊心清巨海寬天涯惡來見

世界掌中觀萬法不爲侶西江一吸乾

趙州示眾云至道無難唯嫌揀擇纔有語言是揀擇是明

白老僧不在明白裏是汝諸人還護惜也無時有僧問既

不在明白裏護惜箇甚麼師云我亦不知云和尚既不知

爲甚道不在明白裏師云問事即得禮拜了退

雪竇顯云趙州倒退三千天童覺云這僧也如切如

磋不能見機而變趙州也如琢如磨幾乎事不解交衆

中祇管道退身有分殊不知盡力提持還體悉麼焦乾

打著連底凍

雪竇頌云至道無難言端語端一有種種二無兩般天

際日上月下檻前山深水寒髑髏識盡喜何立枯木龍

吟消未乾難難揀擇明白君自看隨庵緣云世間無
物可羅籠獨立嵯峨萬仞峯忽若有人猛推落騰身雲
外不留蹤

趙州僧問至道無難唯嫌揀擇纔有語言是揀擇和尚如
何為人師云何不引盡這語云某甲祇念到這裏師云祇
這至道無難唯嫌揀擇

雪竇頌云水灑不著風吹不入虎步龍行鬼號神泣頭
長三尺知是誰相對無言獨足立白雲端云驅山塞
海也尋常所至文明始是王但見皇風成一片不知何
處有封疆

趙州僧問至道無難唯嫌揀擇是時人窠窠不師云曾有
人問我直得五年分疎不下

雪竇云識語不能轉死却了也好與二十棒這棒須有
分付處你若辨不出且放此語大行烏圓範云大衆
趙州具頂門眼向擊石火裏分緇素閃電光中明縱奪
爲甚麼却五年分疎不下還委悉麼易分雪裏粉難辨
墨中煤

雪竇頌云象王嚙呻獅子哮吼無味之談塞斷人口南
北東西鳥飛兔走白雲端云分疎不下五年疆一葉
舟中載大唐渺渺兀然波浪裏誰知別有好商量
趙州僧問至道無難唯嫌揀擇如何得不揀擇師云天上
天下唯我獨尊云比猶是揀擇師云田庫奴甚麼處是揀
擇僧無語

雪竇頌云似海之深如山之固蚊蟲弄空裏猛風螻蟻

白均ハクキウ也ヤ

潦倒翁リョウトウ
老倒ラウダウ同トウ

撼於鐵柱揀兮擇兮當軒布鼓 白雲端云團團秋月
印天心是物前頭有一輪入元蝦蟆無出路却窺天上
不平勻ヒトナマリ

趙州僧問如何是道師云牆外底云不問這箇師云問甚
麼道云大道師云大道通長安

投子青頌云知道還他潦倒翁親言相指自忽忽關山
路遠重須去一逕長途君任通 水庵一云趙老家風
不熟瞞問他大道答長安有誰平步歸家去多是區區
自作難 松源岳云大道透長安言端語亦端臘盡雪
消去春來依舊寒

栢巖禪師僧問如何是道師云徒勞車馬跡
丹霞淳頌云曹溪古路綠苔生車馬登臨已涉程野老

瘦シユ也ヤ アシナシニナリ

痿羸兼跛挈手携玉杖夜深行

巴陵鑑禪師僧問如何是道師云明眼人落井

洞山聰頌云落井須明出井機直宜擡眼動睛輝於斯
偶儻無纖隔祖道汪洋得肯歸 保寧勇云秋夜霜天

月正明仰觀星象約三更一條大路平如掌歸去何妨

徹曉行 正覺逸云好箇明眼人落井叢林話會幾時

休修心未到無心地萬種千般逐水流 佛印元云南

北東西苦問入新開多口接迷津從茲八駿追風急空
望悠悠脚下塵

海湖禪師有座主問和尚甚麼年行道師云座主近前來
主近前師云且道橋陳如甚麼年行道主忙然無對師云
尿牀鬼

如文殊此五ノ名也

偶儻ウダウ
變ヘ窮キウ

八駿ハクキウ周穆王
八匹馬ハツヒバ修馬シユバ
也ヤ

用霞溥頌云多是從人學得來一生空把口胡開欲窮
 此片虛明地七佛前前總不該
 禪林類聚卷第一終

此東西晉間人傳聞多口對衣衣於衣人雖並河海望
 者計必衣怪無少壯而壯不壯而壯不壯而壯不壯而壯
 婦人直下五層殿天授黃明人壽壯黃林經會與
 以五層殿殿皇皇三皇一皇大皇小皇準皇天皇
 即對衣衣衣衣衣衣衣衣衣衣衣衣衣衣衣衣衣衣
 陳山對衣衣衣衣衣衣衣衣衣衣衣衣衣衣衣衣衣衣
 出對衣衣衣衣衣衣衣衣衣衣衣衣衣衣衣衣衣衣
 衣衣衣衣衣衣衣衣衣衣衣衣衣衣衣衣衣衣衣衣衣衣

主

達磨面壁 知溪集曰達磨別少林山神不持三崩山神問其故答云此山有
 大人不堪持之力故崩云故移能耳山也面壁少林二年熊耳山七年告
 九年也而相去五百里定林寺乃熊耳山下楊子弘頭隔岳山也

白崖現詠歌之朝夕不向三ツクヤケト近頼セシ事ハカナ
 大善知識之胸肯戸ノ如毛學人亦明生死禪道每入地由新日々夜白山中ニミテ

